

毛詩正義卷第三十七

唐國子祭酒曲阜縣開國子臣孔

勅撰定

周頌

閔予小子

訪落

嘏之

小毖

載芣

良耜

絲衣

酌

桓

賚

般

閔予小子十一句

正義曰閔予小子詩者嗣王朝於廟之樂

歌也謂成王嗣父為王朝於宗廟自言當嗣之意詩人述其事

而作此詩歌焉此朝廟早晚毛無其說毛無避居之事此朝廟事

武王崩之明年周公即已攝政成王未得朝廟且又無政可謀此欲

夙夜敬慎繼續先緒必非居攝之年也王肅以此篇為周公致政成

王嗣位始朝於廟之樂歌毛意或當然也此及小毖四篇俱言嗣王

文勢相類則毛意俱為攝政之後成王嗣位之初有此事詩人當即

歌之也鄭以為成王除武王之喪於廟始攝政則是成王年十一句未

攝於是

王胡廟自言敬其

先緒訪安且幸



之則焉江氏云此下相應和事本一

九夫攝前後

之時詩人追述其事為此歌也小詩言

急創往時則是歸政

後九年

之事以其居攝之日抗禮世子今始即政周之新王故亦與此為類稱  
嗣王也經云於乎皇考下篇羣臣進謀云率時昭考皆以武王為言  
計歲首合諸羣廟皆朝此特謀者與人之辭故下篇言謀此則獨述  
王言故稱為朝且此三篇一時之事似一人之作皆因朝廟而有此事故首  
篇言朝以冠之 箋嗣王至朝於廟正義曰以頌皆成王時事故知  
嗣王謂成王曲禮云內事曰孝王某外事曰嗣王某彼謂祝之所言以告  
神因其內外而異稱此非告神之辭直以嗣續先王稱嗣王耳古者天  
子崩百官聽於冢宰世子以三年之內不言政事此嗣王朝廟自謀  
為政則是即政之事故知除武王喪將始即政朝於廟也曲禮稱天子  
在喪曰予小子若已除喪當為吉稱而經言予小子在疚為喪中辭者  
以其服雖除去喪日近又序其在喪之事故似同喪稱言將始即  
政者始欲即政先朝於廟既朝而即聽政故言將也列女傳云新王  
即政必以朝享之禮祭祖考告嗣位然則除喪朝廟亦用朝享之禮



即政必以朝享之禮祭祖考告嗣位然則除喪朝廟亦用朝享之禮

祭於廟矣序不言祭者以作者王述王言其意不在於祭故略而言朝則祭可知 閔予小子 毛以爲成王將泣政而朝於廟乃追悼於已過欲自強於未然故感傷而言曰困病予我小子也往日遭此家道之不爲言先王旣崩家事無人爲之使已孤特孀孀然在於憂病之中賴周公代爲家事得致太平今將自爲政故追述其父於乎可歎美者我之君考謂武王也此武王之道長可後世法之能爲孝行常能念此君祖文王上事天下治民以正直之道而行止子行父業是能孝也皇考以念皇祖而能同其德行維我之小子當早起夜卧敬慎而行此祖考之道止言將不敢懈倦也於乎可歎美者我文武之君以道有此德故我當繼其緒業思其所行不敢遺忘也由不敢忘故夙夜行之 鄭以爲周公未攝之前成王因朝廟而感傷言曰可悼傷乎我小子耳今遭此家道之不成唯此爲異餘同

傳閔病至疾病

正義曰閔病疾病皆釋

詁文造爲釋言寸毛意

在歸政之後則武王崩已多戰人

在病遭家不爲治



王初崩之時也言曲上家不為誦家

人為之賴周公為之

太平將欲躬行故上念父祖追述此事為下言發端故王云病乎我小子乃遭家之不為言先王崩則家事莫為徒嫠嫠在憂而病故周公代為家事以致太平傳意或然箋閔悼至之中正義曰閔者哀閔之辭故為悼傷之言有所造為終必成就故造猶成也人之所行死則事廢後主當更造立故云家道未成父在則有所依恃無之則已身孤特故云嫠嫠孤特在憂病之中易傳者以閔疚並訓為病於文太重孫毓云傳以閔為病以造訓為雖義不異於辭不便箋說為長傳庭直正義曰釋詁文箋茲此至私枉正義曰茲此釋詁文又云陟升也釋言云降下也故以陟降為上下也武王身為孝子耳而云長世是其孝之法可後世長行故知謂以孝行為子孫法度使長見行之也文王身為王矣無人得在其上以直道事天為君所以牧民故為下以直道治民即與文王所云文王陟降一也以庭止與陟降共文則二者皆用直道故云而屬之直者即不私枉之謂故云言無私枉論語云舉直措諸枉是枉



之直者即不私枉之謂故云言無私枉論語云舉直措諸枉是枉

者不直也禮記曰奉三無私是直者無私

傳序緒

正義曰釋詁文以王世相繼如絲之端緒故轉爲緒義漸慎至不  
忘正義曰漸者必慎故言漸慎也以上有皇考皇祖故云慎  
行祖考之道上文之意言皇考自念皇祖非成王念之此言  
繼緒思不忘宜爲繼武王之緒思不忘武王耳而以爲兼念文  
王者以成王美武王能念文王明成王亦當念之此文處未可以摠  
前祖考故知兼念文王也訪落十二句正義曰訪落詩者嗣王  
謀於廟之樂歌也謂成王既朝廟而與羣臣謀事詩人述之而  
爲此歌焉訪予落止毛以爲成王始即王政恐不能繼聖父之  
業故於廟中與羣臣謀事汝等當謀我始即政之事止羣臣對  
王曰當循是明德之考令效武王所施而爲之王又謙而荅之曰於乎  
可嗟嘆也此昭考之道悠然至遠哉我去之懸絕未有等數言其  
遠不可及不能循之汝若將我就之使我繼此先人之業則先人之  
道乃分散而去矣言己之才不足以繼之也維我小子才智淺短未

統理國家衆難成之事所以不能繼也昭考也又述昭考之



王能繼其父文王以直道施於上下又能上下其家之職事謂公

羣臣使有次序也美矣我之君考武王能以此文王之道自安尊其身是昭考德同文王已不能及欲令羣臣助謀之也 鄭唯繼猶判

渙謂繼續其業圖我所失分散者而收斂之未堪家多難謂年幼未堪以此爲異餘同 傳訪謀至渙散 正義曰訪謀落始率循時是

悠遠猶道皆釋詁文春秋莊三年紀季以酈入于齊左傳曰紀於是乎始判是判爲分之義也渙然是散之意故爲散也王肅云予就繼先人之道業乃分散而去言已才不能繼傳意或然 箋昭明

至收斂之 正義曰釋詁云昭光也光即明義故爲明也釋詁云歷也歷數也轉以相訓故艾爲數猶圖釋言文此篇所述皆是王言獨知率時昭考一句爲羣臣言者以王方謀於臣不得自言率考且於乎悠哉朕未有艾是報荅率時昭考之言序云謀於廟明此句是臣爲君謀也率時昭考猶曰儀刑文王欲令法效之也就其典法而行之謂就昭考之法也圖我所失分散者謂已不能行分張敬失者欲令羣臣圖謀而收斂聚之以助已也易傳者以謀於羣臣當



歌也。謂周公歸政之後，成王初始嗣位，因祭在廟而求羣臣助己。詩人述其事而作此歌焉。經言創艾往過戒慎，將求求助之事也。毛以上三篇亦爲歸政後事，於訪落言謀於廟，則進戒求助亦在廟中，與上一時之事。鄭以上三篇居攝之前，此在歸政之後，然而頌之大例皆由神明而興，此蓋亦因祭在廟而求助也。箋：愍慎至患難。正義曰：愍，慎釋詁文，箋以經文無小字而名曰小愍。

故解其意，此意出於允彼桃蟲，翻飛維鳥而來也。言早輔助者，初嗣王位而即求之，是其早也。予其懲而毛以爲成王即政求助於羣臣，告之云：我其懲創於往時，而謂管蔡誤已以爲創艾，故愍彼在後，恐更有患難。汝等羣臣莫復於我掣曳牽我，以入惡道。若其如是我，必刑誅於汝。是汝自求，是辛苦毒螫之害耳。以管蔡誤已，尋被誅戮，故自說懲創戒使勿然。旣言將欲愍患，又說當愍其小惡之初始，信如彼桃蟲耳，爲惡不已於後，更大似桃蟲翻然而飛，維爲大鳥矣。其意言管蔡始則讒毀周公，後遂舉兵誅反逆，是積小成大。言反有此類，當小即誅之，勿使至大。又言亦



以我才知淺薄士任獨當國家多難之事恐我又集止  
忠難  
似蓼菜之辛苦然故須汝等助我慎之言又者非徒多難又集三苦  
以此之故求人助己也 鄭於下四句文勢大同屬意小異言己所以創  
於往時者往始之時信以管蔡之讒爲小如彼挑蠱耳故不即誅之乃  
叛而作亂爲王室大患如挑蠱翻然而飛維爲大鳥矣於時我年幼  
少未任統理國家衆難成之事故使周公攝政即有三監及淮夷  
作亂使我又會於辛苦皆由不慎其小以致使然我今欲慎小防患  
故須汝等助我言己求助之意也 傳莽蜂摩手曳 正義曰釋訓  
文孫炎曰謂相掣曳入於惡也彼作曳字今字耳王肅云以二言  
才薄莫之藩援則自得辛毒孫毓云羣臣無肯牽引扶助我  
我則自得辛螫之毒此二家以蜚蜂爲制手曳爲善自求爲王身自  
求案傳本無此意故同之鄭說 箋懲艾至刑誅 正義曰懲與創  
艾皆嘗有事思自改悔之言此云予其懲而明是有事可創故鄭  
迹其創艾之所由管叔及其羣弟流言於國成王信之而疑周公  
金縢有其事也三監叛而作亂周公以王命誅之書序有其事也



金縢有其事也三監叛而作亂周公以王命誅之書序有其事也

成王年十五周公自東都反而居攝稱元年其年即舉兵東伐至二年滅殷三年踐奄叛逆之事始得平定是歷年乃已也既創往時畏慎後禍恐其將復如是故戒羣臣小子無敢掣曳我也掣曳者從傍牽挽之言是挽離正道使就邪僻故知謂譎詐誑欺不可信若管蔡流言之類也毒螫如彼毒蟲之螫故言謂將有刑誅 傳桃

蟲鷯至終大

正義曰釋鳥云桃蟲鷯其雌鷯舍人曰桃蟲名鷯其雌

名鷯郭璞曰鷯鷯

正義曰

反

桃雀也俗名爲巧婦鷯鷯小鳥而生鷯鷯者也

陸機疏云今鷯鷯是也微小於黃雀其鷯化而爲鷯故俗語鷯鷯生鷯

言始小終大者始爲桃蟲長大而爲鷯鳥以喻小惡不誅成爲大惡

傳言始小終大其文得與箋同但毛以周公爲武王崩之明年即攝

政爲元年時即管蔡流言成王信之周公舉兵誅之成王猶尚未悟

既誅之後得風雷之變啓金縢之書始信周公箋言王意以管蔡流

言爲小罪恨不登時誅之毛不得有此意耳是其必異於鄭當謂

將來之惡宜慎其小耳故王肅云言患難宜慎其小是謂將來患

難非悔不誅管蔡也

箋肇始至之鳥

正義曰肇始允信釋



管蔡初爲流言成王信之既信其言自然不得誅之今悔於不終  
誅之者此謂啓金縢後既信周公之心已知管蔡之妄宜即執而戮之  
乃迎周公當時以管蔡罪小不即誅殺至使叛而作亂爲此大禍故所  
以爲創也箋又言鷦之所爲鳥題肩或曰鷦皆惡聲之鳥定本集  
注皆云或曰鷦皆惡鳥也案月令季冬云征鳥厲注云征鳥題肩齊  
人謂之擊征或曰鷹然則題肩是鷹之別名與鷦不類鷦自惡聲  
之鳥鷹非惡聲不得云皆惡聲之鳥也說文云鷦鷦桃蟲也郭璞  
云桃蟲巧婦也方言說巧婦之名自關而東謂之桑飛或謂之韃雀郭  
璞注云即鷦鷦是也諸儒皆以鷦爲巧婦與題肩又不類也今箋以  
鷦與題肩及鷦三者爲一其義未詳且言鷦之爲鳥題肩事亦不  
知所出遺諸後賢 傳堪任至辛苦 正義曰釋詁云堪勝亦任之義  
也予我釋詁文毛不得有追悔管蔡之事上經謂慎將來則此亦謂  
將來之事不得與鄭同也當言己才智淺短未任國家多難之事  
既已多難又會辛苦故王肅云非徒多難而已又多辛苦是說將

來之事對多難爲文莫多辛苦之義故云又集於多言辛苦也



既已多難又會辛苦故王肅云非徒多難而已又多辛苦是說將

來之事對多難爲文莫言辛苦之業故云又集於莫言言辛苦也

箋集會至之難

正義曰集會釋言文會謂逢遇之也世道未平

戰鬪不息於王者爲辛苦之事故言又會於辛苦也上以翻飛爲喻謂長惡使成此云又集于莫謂逢其叛逆故上箋言管蔡此箋言三監猶是一事但指意有先後耳言三監及淮夷之難者淮夷之叛亦三監使然故連言之也 載芟三十一句 正義曰載芟詩者春

藉田而祈社稷之樂歌也謂周公成王太平之時王者於春時親耕藉田以勸農業又祈求社稷使獲其年豐歲稔詩人述其豐熟之事而爲此歌焉經陳下民樂治田業收穫弘多釀爲酒醴用以祭祀是由王者耕藉田祈社稷勸之使然故序本其多穫所由言其作頌之意經則主說年豐故其言不及藉社所以經序有異也月令孟春天子躬耕帝藉仲春擇元日命人社大司馬仲春教振旅遂以蒐田獻禽以祭社然則天子祈社亦以仲春與耕藉異月而連言之者雖則異月俱在春時故以春揔之祭法云王爲羣姓立社曰泰社王自爲立社曰王社此二社皆應以春祭之但此爲百姓祈祭之當



主於泰社其稷與社共祭亦當謂泰社社稷焉 箋藉曰至  
藉田 正義曰天官甸師掌耕耨王藉月令孟春云天子親載  
耒耜躬耕帝藉是藉田者甸師所掌王所耕也天子千畝諸侯  
百畝祭義文王親耕者一人獨發三推而已借民力使終治之故謂  
之藉田也月令說耕藉之事云天子三推公五推卿諸侯九推周語  
說耕藉之事也王耕一發班三之庶人終於千畝韋昭云王無耦以一  
耜耕班次也三之者下各三其上王一發公三卿九大夫二十七然則每  
耕人數如周語其推之數如月令則王一人發而三推公三人發各  
五推卿九人發各九推大夫推數則無文因以三孤并六卿是爲  
九其大夫雖多見相三之數取二十七人爲之耳其士蓋八十一人爲  
之耳月令止有卿而韋昭兼言大夫明亦宜有士也庶人終於千  
畝謂甸師之屬徒也天官序云甸師下士一人府一人史二人胥三  
十人徒二百人其職云掌帥其屬而耕耨王藉注云其屬府史  
胥徒也耨芸茅也王以孟春躬耕帝藉天子三推三公五推  
卿諸侯九推庶人終於千畝庶人謂徒三百人藉之言借也王一



卿諸侯九推庶人終於千畝庶人謂徒三百人藉之言借也王一

耕之而使庶人芸苴終之是借民者謂借此甸師之徒也王者役人自是常事而謂之借者言此田耕耨皆當王親爲之但以聽政治民有所不暇故借人之力以爲己功是以謂之借也漢書孝文元年開藉田應邵曰藉田千畝典籍之田臣瓚案景帝詔曰朕親耕后親桑率天下先本不得以假借爲稱而鄭以爲借民力者凡言典籍者謂作事設法書而記之或復追述前言號爲典法此藉田在於公地歲耕獵此乃當時之事何故以籍爲名若以事載典籍即名籍田則天下之事無非藉矣何獨於此偏得籍名瓚見親耕之言即云不得假借豈藉田千畝皆天子親耕之乎聖王制法爲此藉田者萬民之業以農爲本五禮之事唯祭爲大以天子之貴親執耒耜所以勸農業也祭之所奉必用己力所以敬明神也祭義云天子爲藉千畝躬秉耒耜以事天地山川社稷先古以爲醴酪盛盛於是乎取之敬之至也是說藉田之意也 載芟載柞 毛以爲周公成王之時耕藉以勸下民祈社而求穀實故其時之民樂治田業於是始芟其所田之草始柞



其所田之木待其土氣烝達然後耕之其耕則釋釋然土皆解散又二人相對者有千耦之人其皆芸除此所芟柞草木之根株也其耘之時或往之隰或往之畛其所往之人維爲主之家長維處伯之長子維次長之仲叔維衆之子弟維強力之兼士維所以傭賃之人此等俱往畛隰芸除草木盡家之衆皆服作勞有嗇然而衆其來饟饋之人即其婦之與士也此農人不以其身爲苦乃謂饟已爲勞思逆而媚其行饟之婦有愛其從來子弟是王化之深務農之至也此農人旣去草木根株有略然而利者其所用之耜以此利耜始事於南畝之中以種其百衆之穀此穀之種實皆含此當生之活氣故從土中驛驛然其鑽土以射出其土也乃有厭然而特茂者其傑立之苗也厭厭然而長大者其齊等之苗也於是農人則繇繇然用其力庶芸之以此至於大熟則穫刈之濟濟然穗衆而難進有成實而多者其此民之積聚也乃有萬與億而及秭言其多無數也天下豐熟而此在上稅而取之以爲三種之酒以爲五齊之醴進予先祖先妣又以會聚其百衆之禮而爲祭祀此所爲



齊之醴進予先祖先妣又以會聚其百衆之禮而爲祭祀此所爲

之酒醴有飫然其氣芬香用之以祭祀爲鬼神所饗食爲我國家之光榮也此所爲之酒醴有如椒之馨香用之以祭祀爲鬼神降福則得年壽與成德之安寧也旣治田得穀用之祭祀而使鬼神歡悅邦國安寧祭祀得所故能誠感天地心非云此而有此謂禎祥之應事未至而先來也心非云今而有今謂嘉慶之事不先聞而即至也此事乃自古以來當如此言脩德行禮莫不獲報非獨於此周時 鄭以俶載爲熾菑熾然入地而菑殺其草於南畝之中又以烝畀祖妣爲祭祀之禮以事宗廟以洽百禮爲饗燕之禮以待賓客旣言二禮又反而申之言此所爲之酒醴有飫然其氣芬香用之以饗食燕賓客爲賓所悅爲我國家光榮也又其爲酒醴有如椒之香馨用之以祭祀鬼神爲鬼神降福則得年壽與成德之安寧也又以且爲辭以振爲古餘同 傳除草至以用正義曰隱六年左傳云如農夫之務去草焉芟夷蘊崇之是除草曰芟也秋官柞氏掌攻草木及林麓是除木曰柞也地官遂人云十夫有溝溝上有畛則畛謂地畔之徑路也至此而易之主爻



以畛爲場信南山云疆場翼翼是也坊記云家無二主主是一家之尊故知王家長也主旣家長而別有伯則伯是主之長子也亞訓次也次於伯故知仲叔也不言季者以季幼少宜與諸子爲類也令旅中兼之旅訓衆也謂幼者之衆即季弟及伯仲叔之諸子故云旅子弟也此子弟謂成人堪耕芸者若幼則從饌而行下云有依其士是也強謂力能兼人故云強強力也以者傭賃之人以意驅用故云用也 箋載始至當種 正義曰此本其開地之初故載爲始原隰者地形高下之別名隰指地形而言則是未嘗墾發故知謂新發田也畛是地畔道路之名故知謂舊田有徑路者強有餘力謂其人強壯治一夫之田仍有餘力能佐助他事者也周禮曰以疆予任民地官遂人文彼注云疆予謂民有餘力復予之田引之以證疆有餘力彼民作旺注云變民言旺異外内也然則旺民是一故以民言之以謂閑民今時傭賃者太宰以九職任萬民其九曰閑民無常職轉移執事鄭司農云閑民謂無事業者轉移爲人執事若今時傭力也是有閑民傭賃之事也又解稱以之意春秋之義



常曉轉移事莫云陽民計無事者轉利幸其  
今時傭力也是有閑民傭賃之事也又解稱以之意春秋之義

能東西之曰以此傭力隨主人所東西故稱以也僖二十六年左傳曰  
凡師能左右之曰以左右即東西也彼雖爲師發例要以者任其  
東西故引之以證此太平之世而得有閑民者人之才度等級不  
同自有不能存立必爲人所役者聖人順而任之周禮列於九  
職是雖太平之世必爲人傭故此得有之也土氣烝達者周語  
說將耕之事云陽氣俱烝土膏其動韋昭云烝升也月令子春  
天氣下降地氣上騰注云此陽氣烝達可耕之候然則土氣烝  
達者謂陽氣升上達出於是耕之故土得釋釋然而散也釋  
訓云釋釋耕也舍人曰釋釋猶藿藿解散之意言輩作者合  
家盡行輩輩俱作言趨時也千耦謂爲耦者千是二千人爲千  
耦與十千維耦異也或往之隰或往之畛言其所往皆偏也故  
王肅云有隰則有原言畛新可見美其陰陽和得同時就功也  
又解所以合家俱作之意務疾畢已當種也已猶了欲疾耕  
使畢了故下經而種之 傳喻衆至子弟 正義曰以耘者千  
耦饒者必多故知喻爲衆貌士者男子之稱而不在耕芸之中



宜是夕者行饌故爲子弟此經言有飡其饁以目之婦士俱是行饌之人七月云同我婦子子即此之士也 箋饁饋至自苦

正義曰饁饋釋詁文孫炎曰饁野之饋也依文與媚相類媚爲愛故知依亦愛也 傳略利 正義曰釋詁文 箋實種至活生

正義曰此說初種故知實爲種子函者容藏之義故轉爲含猶人口含之也活者生活故爲生言種子內含生氣種之必生也

傳達射至庶耘

正義曰苗生達地則射而出故以達爲射釋訓

云驛驛生也舍人曰穀皆生之貌是驛驛其達謂苗生達地也厭者苗長茂盛之貌其傑苗之傑者亦是苗也而與其苗異文傑謂其中特美者苗謂其餘齊等者二者皆美茂故俱稱厭但以齊等苗多重言厭厭耳以二者相涉故傳詳其文故云有厭其傑言苗傑然特美也箋申特美之意故云先長者傑既是先長明厭厭其餘衆苗齊等者庶是芸之別名縣縣是庶之貌釋訓云縣縣庶也孫炎曰縣縣言詳密也郭璞曰芸不息也王肅云芸者其衆縣縣然不絕也 傳濟濟難 正義曰釋訓



禮記云鼎鼎也。有少曰鼎。言計密也。鄭曰。去不月也。三  
肅云芸者其衆縣縣然不絕也。傳濟濟難。正義曰釋訓

云濟濟容止也。在田穫刈不得有濟濟之容。但容止濟濟者必  
舉動安舒。此刈者以禾稠難進不能速疾。故亦以濟濟言之。言難  
者箋申之云穗衆難進也。傳百禮言多。正義曰檢定本集注  
皆無此文。有者誤也。箋丞進至之屬。正義曰丞進畀予洽  
合。皆釋詁文。箋以下文有餼有椒。重設其文。則是二事故。分此以  
當之以洽百禮。爲合聚衆禮。其用酒醴者祭祀以外唯饗食燕耳。  
故言謂饗食燕之屬。賓之初筵與豐年皆有以洽百禮之文。與此同。  
而賓之初筵其文之下。即云有壬有林。林謂諸侯之君。故箋以爲合  
見百國所獻之禮。豐年止言報祭無饗食燕之義。故箋不爲說。則與  
丞畀祖妣共爲祭祀之禮。此以下有二事故。以爲饗食燕之禮。皆觀  
文爲義。故三者皆異。毛旣無饗食燕之言。明皆據祭祀與鄭不同。  
傳餼芬香。正義曰餼者香之氣。故爲芬香也。箋芬香至榮譽  
正義曰箋以此充饗食燕下充祭祀者。以言邦家之光。謂國有光榮  
是於賓客之辭也。胡考之寧。言身得壽考。與祭之祝慶萬壽  
無疆義同。是於鬼神之辭也。故知此爲饗食燕下爲祭祀以饗食燕施



於賓客故云得其歡心於國家有榮譽祭祀進於祖妣故云多得福祿於身得壽考 傳椒猶至考成 正義曰椒是木名非香氣也但椒木之氣香作者以椒言者故傳辨之云猶如飴也僖二十二年左傳曰雖及胡者周書謚法保民者艾曰胡胡爲壽也考成釋詁文言考者明老而有成德蕩曰雖無老成人是也傳且此振自 正義曰毛雖有此訓其義與鄭不殊箋振亦至今時 正義曰箋以爾雅有此正訓故易傳以爲振亦古也以上陳祭饗二事此承上文故云鄉食燕祭祀直言鄉食燕祭祀謂爲之得其所也有天下者主於敬待神人接之以禮則人神慶悅至誠感物祥瑞必臻故知非且有且非今斯今謂嘉慶禎祥之事非謂其有而已有之以言報應之疾也且實語助但今謂今時則且示今時其實是一作者美其事而丁寧重言之耳嘉慶謂王者所得美善之實事禎祥謂嘉慶之前先見爲徵應者也以其分爲二文故屬禎祥於上句屬嘉慶於下句但禎祥爲嘉慶而先見故言將有嘉慶禎祥先來見也以禎祥是事之先應故言先



二文故屬禋禋於上合屬嘉慶於下合但禋禋為嘉慶而先見故言將有嘉慶禋禋先來見也以禋禋是事之先應故言先

來見嘉慶是善之實事故云不聞而至二者意亦同也此禋禋嘉慶自天為之饗燕之禮得所不謂其至而已至言脩德行禮莫不獲報乃古又古以來當皆如此非適今時美此太平之主能重於農業獲此福慶故歌之也 良耜二十三句 正義曰良耜詩者秋報

社稷之樂歌也謂周公成王太平之時年穀豐稔以為由社稷之所祐故於秋物既成王者乃祭社稷之神以報生長之功詩人述其事而作此歌焉經之所陳其末四句是報祭社稷之事婦子寧止以上言其耕種多穫以明報祭所由亦是報之事也經言百室盈止婦子寧止乃是場功畢入當十月之後而得言秋報者作者先陳人事使畢然後言其報祭其實報祭在秋寧止在冬也本或秋下有冬衍字與豐年之序相涉而誤定本無冬字 畋畋良耜

毛以為農人以畋畋然利刃善耜始事於南畝而耕之種其百畝之穀其實皆合此當時生之氣故生而漸長農人事而芒之於是

有來視汝之農人者載其方筐及其圓筐其筐筐所盛以饌者維是黍也既饌到田見其農夫所戴之笠維糾然其田器之鋪以



此趙而刺地以罇去余蓼之草其茶蓼之草既朽敗止黍稷乃茂盛止及其成熟乃穫刈之捭捭然爲聲既獲訖乃積聚之粟栗然衆多所積聚者其大如城雉之峻壯其比迫如櫛齒之相次既蹂踐而治之則以開百室一時而納之於是百室皆盈滿而多穀粟止婦子皆不行而安寧止天下大熟民安如此國家乃殺是牝牡之牲有捭然者此牲之角用此牲以報祭社稷所以報祭之者以嗣繼其先歲復求有豐年以續接其往歲復得以養人又求良善司嗇以續古昔之人庶其常勤勸農常得豐年也鄭唯倣載爲熾苗爲異餘同 傳畷畷猶測測 正義曰以畷畷文連良耜則是刃利之狀故言猶測測以爲利之意也釋訓云畷畷耜也舍人曰畷畷耜入地之貌郭璞曰言嚴利也 傳笠所至水草 正義曰笠之爲器暑雨皆得禦之故兼言也其罇斯趙則趙是用罇之事罇是鋤類故趙爲刺地也又釋草云蓄虞蓼某氏曰蓄回一名虞蓼孫炎曰虞蓼是澤之所生故爲水草也蓼是穢草茶亦穢草非苦菜也釋草云茶委菜舍人曰茶一名委菜某氏



亦穢草非苦菜也釋草云茶委菜舍人曰茶一名委菜某

引此詩則此茶謂委菜也王肅云茶陸穢蓼水草然則所由田有  
原有隰故並舉水陸穢草箋瞻視至勤苦正義曰瞻視釋詁  
文下言婦子寧止明此以爲不寧故知有來視汝謂婦子來盭  
者也筐筥之下即云饗黍故知筐筥所以盛黍也少牢特牲大  
夫士之祭禮食有黍明黍是貴也玉藻云子卯稷食菜羹爲  
忌日貶而用稷是爲賤也賤者當食稷耳故云豐年之時雖賤  
者猶食黍瞻汝是見彼農人之時而陳其笠其鍤故知見農人  
戴糾然之笠以田器刺地嬀去茶蓼之草定本集注皆云嬀去  
茶蓼之事言閔其勤苦與俗本不同傳恹恹至墉城正義  
曰釋訓云恹恹獲也栗栗衆也李巡曰栗栗積聚之衆孫炎  
曰恹恹獲聲也皆取此爲說也城之與墉俱得爲墉但此比高  
故爲城箋百室至之歡正義曰周禮五家爲比五比爲閭四閭  
爲族是百室爲一族於六鄉則一族於六遂則一鄣是鄭以鄉  
尊於遂故舉鄉言耳上篇言千耦此篇言百室雖未必一人作  
而其文千百不同故解其意千耦其芸輩作者尚衆故舉多



言也一族同時納穀見聚居者相親故舉少言也又解族黨鄉皆爲聚屬獨以百室爲親親之意由百室出必共湫閒而耕入必共族中而居又有同祭酺合醵之歡也故偏言之也遂人云百夫有湫故知百室共湫閒而耕彼注云百夫一鄭之田爲六遂之法族在六鄉而引彼者小司徒注云鄉之田制與遂同故得舉鄭之制以言族也祭酺者族師職云春秋祭酺注云酺者爲人物災害之神也古書酺爲步杜子春云當爲酺玄謂校人職又有冬祭馬步則未知此世所云蜋螟之酺與人鬼之步與蓋亦爲壇位如雩禱云族無飲酒之禮因祭酺而與其民以長幼相酬酢焉鄭於彼雖以酺步爲疑而以酺爲正故此以酺言之蜋螟食穀之蟲害及人物此神能爲災害故祭以止之因此祭酺聚錢飲酒故後世聽民聚飲皆謂之酺漢書每有嘉慶令民大酺五日是其事也彼注云因祭酺而與其民長幼相酬即此合醵也禮器云曾子曰周禮其猶醵與注云合錢飲酒爲醵王居明堂之禮乃命國家醵是也族師雖云祭酺不言即爲醵飲酒禮記自有醵語不云



釀是也族師雖云祭酺不言即爲釀飲酒禮記自有釀語不云

釀是族法鄭知祭酺必有飲酒合釀是族法者以族師上文云月吉則屬民而讀邦法書其孝悌睦姻有學者即云春秋祭酺亦如是是於祭酺亦屬民讀法因祭而聚族民明其必爲行禮不可徒然又以族無飲酒之禮故知因祭酺必合錢飲酒與其民長幼相酬酢也鄉飲酒之禮州長於春秋有屬民射於州序之禮黨正於國索鬼神而祭祀有屬民飲酒于序以正齒位之禮此皆禮有飲酒當以公物供之無爲須合錢也唯族無飲酒之禮明合錢飲酒是族師之法故箋以爲同族之禮 傳黃牛至往事 正義曰釋畜直云黑脣特以言黑脣明不與身同色牛之黃者衆故知黃牛也某氏亦云黃牛黑脣曰特取此傳爲說也地官牧人云凡陰祀用黝牲毛之注云陰祀祭地北郊及社稷也然則社稷用黝牛當以黑而用黃者蓋正禮用黝至於報功以社是土神故用黃色仍用黑脣也以經言角辨角之長短故云社稷之牛角尺也王制云祭天地之牛角繭栗宗廟之牛角握賓客之牛角尺無社稷之文社稷卑於宗廟宜與賓客同尺也禮緯稽命徵云宗廟社



稷角據此箋不易毛傳蓋以禮緯難信不據以爲正也社稷太牢  
獨云牛者牛三牲爲大故特言之以似以續似訓爲嗣嗣續俱是繼  
前之言故爲嗣前歲續往歲之事前往一也皆求明年使續今年  
據明年而言故謂今年爲前往也 箋抹角至司穡 正義曰此有  
抹其角與兕觥其觶角弓其觶觶皆與角共文故爲角貌以上言  
其饗是婦子所爲此言寧止遙結上句故知安無行饁之事序云  
秋報社稷故云於是殺牲以報祭社稷也此爲年豐報祭而云更  
求嗣續故知嗣前歲者復求有豐年也續往事者復求以養人  
也言今歲已有豐年得穀養人求今後歲復然也嗣續一義也豐  
年養人亦一事也因其異文而分屬之耳甫田云以介我稷黍是求  
有年也以穀我士女是求養人也續古之人文連犇牡之末則亦祭求  
之非人無以續人明求將來之人使續往古之人農事須人唯司穡耳  
故知求有良司穡謂求善田畯也言得善官教民可以益使年豐  
故也司穡已所選擇而祭神求之者得賢以否亦是神明所助故  
因祭求之 絲衣九句 正義曰絲衣詩者繹賓尸之樂歌也謂周公



故也。言豈已所選擇而祭相求之者得賈以否亦具在。因祭求之。絲衣九句。正義曰。絲衣詩者。繹賓尸之樂歌也。謂周公

成王太平之時。祭宗廟之明日。又設祭事。以尋繹昨日之祭。謂之爲繹。以賓事所祭之尸。行之得禮。詩人述其事而爲此歌焉。經之所陳。皆繹祭始末之事也。子夏作序。則唯此一句而已。後世有高子者。別論他事。云靈星之尸。言祭靈星之時。以人爲尸。後人以高子言靈星尚有尸。宗廟之祭有尸必矣。故引高子之言。以證賓尸之事。子夏親受聖言。不須引人爲證。毛公分序篇端於時。已有此語。必是子夏之後。毛公之前。有人著之。史傳無文。不知誰著之。故鄭志荅張逸云。高子之言。非毛公後人著之。止言非毛公後人。亦不知前人爲誰也。以鄭言非毛公後人著之。不云詩序本有此文。則知鄭意不以此爲子夏之言也。鄭知非毛公後人著之者。鄭玄去毛公未爲久。遠此書有所傳授。故知毛時有之。若是後人著之。則鄭宜除去荅之。以此明已不去之意。以毛公之時。已有此言。故也。高子者。不知何人。孟軻弟子有公孫丑者。稱高子之言。以問孟子。則高子與孟子同時。趙岐以爲齊人。此言高子蓋彼是也。靈星者。不知何星。漢書郊祀志云。高祖詔御史令其天下立靈星祠。張晏曰。龍星左角曰天田。則農祥也。是



見而祭之史傳之說靈星唯有此耳未知高子所言是此以否 箋釋  
又至之彤 正義曰釋又祭釋天文李巡曰釋明日復祭曰又祭知天  
子諸侯同名曰釋以祭之明日者宣八年六月辛巳有事于太廟仲  
遂卒于垂壬午猶釋有事謂祭事也以辛巳日祭壬午而釋是魯  
爲諸侯用祭之明日此則天子之禮同名曰釋故知天子亦以祭之  
明日也故公羊傳曰釋者何祭之明日也知卿大夫曰賓尸者今少牢饋  
食禮者卿大夫之祭禮也其下篇有司徹云若不賓尸注云不賓尸  
謂下大夫也以言若不賓尸是對有賓尸者有司徹所行即賓尸之  
禮是卿大夫曰賓尸案其禮非異日之事故知與祭同日然則天子諸  
侯謂之釋卿大夫謂之賓尸是釋與賓尸事不同矣而此序云釋賓  
尸者釋祭之禮主爲賓事此尸但天子諸侯禮大異日爲之別爲立  
名謂之爲釋言其尋釋昨日卿大夫禮小同日爲之不別立名直指  
其事謂之賓尸耳此序言釋者是此祭之名賓尸是此祭之事故  
特詳其文也周曰釋商謂之彤者因釋又祭遂引釋天以明異代之  
禮別也彼云周曰釋商曰彤孫炎曰彤者亦相尋不絕之意尚書有



禮別也彼云周曰繹商曰彤孫炎曰彤者亦相尋不絕之意尚書有

高宗彤日是其事也 絲衣其紃 正義曰此述繹祭之事上五句言祭之初下四句言祭之末初言卑者恭順則當祭尊者可知祭末舉其不慢則當祭恭敬明矣是舉終始以見中舉輕以明重也言於祭之前使士之行禮在身所服以絲爲衣其色紃然而鮮絜在首戴其爵色之麻弁其貌侏侏而恭順此絲衣戴弁之人從門堂之上既視壺濯及籩豆降往於門塾之基告君以濯具更視三牲從羊而往牛所以告肥充又發舉其鼎及鼎之覆幕而告此鼎之絜矣祭之初使卑者行事尚能恭順故至於當祭事尸禮無失者以此至於祭末旅酬之節兕觥罰爵其觥然徒設無用之所以然者由此助祭飲美酒者皆思自安不謹譁不傲慢每事如禮故無所罰恭順如此當於神明是得壽考之休徵言祭而得禮必將得福故美而歌之傳絲衣至之鼎 正義曰此述祭事故知絲爲之故云絲衣祭服傳雖不解弁亦當以爲爵弁爵弁之服玄衣纁裳皆以絲爲之故云絲衣也絲衣與紃共文故爲絜鮮貌也載弁謂人戴弁也戴弁者侏侏則侏侏人貌故爲恭順貌也基門塾之基者釋宮云門側之堂也



之塾孫炎曰夾門堂也冬官匠人云門堂三之二注云以爲塾也白虎通云所以必有塾何欲以飾門因取其名明臣下當見於君必孰愼其事是塾爲門之堂也直言自堂徂基何知非廟堂之基者以繹禮在門不在廟故知非廟堂也郊特牲曰繹之於庫門內枋之於東方失之矣繹於門內爲失明其當在門外枋以東方爲失明其當在西方是枋之與繹一時之事故注云枋之禮宜於廟門外之西室繹又於其堂神位在西二者同時而大名曰繹又禮器曰爲枋乎外注云枋祭明日之繹祭也謂之枋者於廟門外之傍因名焉其祭之禮旣設祭於室而事尸於堂孝子求神非一處也以此二注言之則枋繹大同而繹統名焉繹必在門故知基是門塾之基謂廟門外西夾之堂基也自羊徂牛是從此往彼爲先後之次故知詩意言先小後大爲行事之漸也釋器云鼎絕大者謂之鼐鼐旣絕大鼎自然小故曰小鼎謂之鼐此經自堂徂基但言所往之處不言所爲之事牛羊但言所視之物不言所往之處互相足也鼐及鬯不言自徂蒙上自徂之文鼎則先大後小與牛羊異者取鼐爲韻



言自徂蒙上自徂之文鼎則先大後小與牛羊異者即鼎為龍

故變其文也

箋載猶至之肅鼎

正義曰載者在上之名故經稱載

弁若言以頭戴之則於人易曉故云載猶戴也禮有冠弁韋弁皮弁皆不以絲為衣且非祭祀之服雜記云士弁而祭於公冠而祭於己士冠禮有爵弁服紂衣與此絲衣相當故知此弁是爵弁士服之以助君祭也又解天子之朝羣官多矣所以不使服冕之人而使戴弁之意由繹之禮輕故使士也若正祭則小宗伯云視滌濯祭之日逆齋省鑊告時於王告備於王彼正祭重使小宗伯此繹祭輕故使士蓋亦宗伯之屬士也知使士升門堂視壺濯及籩豆者以特牲雖則士禮而士卑不嫌其禮得同君故準特牲為說特牲先夕陳事主人即位於堂下宗人升自西階視壺濯及籩豆反降東北面告濯具主人出復外位宗人視牲告充宗人舉鼎帛告絜彼先視濯籩豆次視牲次舉鼎先後與此羊牛肅鼎次第正同自堂徂基文在牛羊之上自然是視壺濯籩豆矣以此知自堂徂基是告濯具從羊之牛是告充肅鼎及肅鼎是舉帛告絜也禮之次者謂特牲之禮為此次故準之以說天子之禮也鼎園弁上謂之肅鼎釋



文孫炎曰鼎斂上而小口者以傳直言小鼎不說其形故取爾雅文以足之傳吳譁考成正義曰人自娛樂必謹譁爲聲故以娛爲譁也定本娛作吳考成釋詁文箋柔安至休徵正義曰柔安釋詁文少牢特牲大夫士之祭也其禮小於天子尚無兕觥故知天子正祭無兕觥矣今此繹之禮至旅酬而用兕觥變於正祭也知至旅而用之者兕觥所以罰失禮未旅之前無所可罰至旅而可獻酬交錯或容失禮宜於此時設之也有司徹是大夫賓尸之禮猶天子之繹所以無兕觥解者以大夫禮小即以祭日行事未宜有失故無也上經說祭初行禮唯謂士耳此言飲美酒皆思自安則是諸助祭者非獨士也以祭末多倦怠傲慢故美其於祭之未能不謹譁不傲慢則於祭前恭斫明矣恭斫明神必將獲福故以此得壽考之休徵壽考未然之事故言徵也酌九句正義曰酌詩者告成大武之樂歌也謂周公攝政六年象武王之事作大武之樂既成而告於廟作者觀其樂成而思其武功述之而作此歌焉此經無酌字序又說名酌之意言武王能酌取先祖之道



此歌焉此經無酌字序又說名酌之意言武王能酌取先祖之道

以養天下之民故名篇爲酌毛以爲述武王取紂之事即是武樂所象鄭以爲武王克殷用文王之道故經述文王之事以昭成功所由功成而作此樂所以上本之也言告成大武不言所告之廟有瞽始作樂而合乎太祖此亦當告太祖也大司樂舞大武以享先祖然則諸廟之中皆用此樂或亦徧告羣廟也言酌先祖之道者周之先祖后稷以來先世多有美道武王酌取用之除殘去暴育養天下故詩人爲篇立名謂之爲酌序其名篇之意於經無所當也鄭以經陳文王之道武王得而用之亦是酌取之義但所酌之事不止此耳經有遵養時晦毛謂武王取紂鄭爲文王養紂此言以養天下則是愛養萬民非養紂身雖養字爲同非經養也酌左傳作灼古今字耳箋周公至而已正義曰周公攝政六年制禮作樂明堂位文雖六年已作歸政成王乃後祭於廟而奏之初成之時未奏用也其始成告之而已故此篇歌其告成之事言此者以明告之早晚謂在居攝六年告之也知然者以洛誥爲攝政七年之事而經稱周公戒成王云肇稱殷禮祀於新邑明



待成王即政乃行周禮禮既如此樂亦宜然故知大武之樂歸  
政成王始祭廟奏周公初成之日告之而已於鑠王師毛以爲  
因告大武之成故歌武王之事於乎美哉武王之用師也率此  
師以取是闇昧之君謂誅紂以定天下由旣誅紂故於是令周  
道大明盛矣是大明之故遂有大而又大謂致今時之太平也又  
本用師取昧之事所以爲可美者以我周家用天人之和而受  
之言以和受殷非苟用強力也躊躇然有威武之貌者我武王之  
所爲則用此武而有嗣文王之功王能如是故歎美之實維爾  
王之事信得用師之道以此故作爲大武以象其事鄭以爲大  
武象武王伐紂本由文王之功故因告成大武追美文王之事於  
乎美哉文王之用師衆也乃率殷之叛國養是暗昧之君以  
成其惡故民服文王能以多事寡以是周道乃大興矣由有至美  
之德誠義足以感人是以大賢士來而助之賢士旣來我文王寵  
而受之來者旣受用故躊躇然有威武之士競於我王之造言其  
皆來造王王則寵而用之以此而有嗣續言其傳相致達續來



皆來造王王則寵而用之以此而有嗣續言其傳相致達續來

不絕由是武王因之得成功作樂故歎美之實維汝武王之事  
信得用師之道言武王以文王之故故得道也 傳鑠美至晦  
昧 正義曰鑠美釋詁文又云遵率循也俱訓爲循是遵得爲  
率武王於紂養而取之故以養爲取宣十二年左傳引此云遵  
養時晦者昧也故轉晦爲昧言取是暗昧則謂武王取紂不  
得與鄭同也又緝熙之訓皆爲光明介字毛皆爲大則此亦宜  
然王肅云於乎美哉武王之用衆也率以取是昧謂誅紂定天  
下以除昧也於是道大明是用有大大言太平也 箋純大至  
助之 正義曰純大熙興皆釋詁文以卒句乃言信得用師之道  
於此未宜歎其大大故依常訓以介爲助以武王之業因於文王  
養紂不伐是文王之事此說大武功成文宜本之於父故以爲美  
文王之師養者承事之辭故云率殷之叛國以事紂左傳云晷昧  
也皇矣云上帝耆之是養之至老故云養是暗昧之君以老其惡  
論語云三分天下有其二以服事殷周之德可謂之至德孔子歎美  
文王謂之至德是周道以養紂之故遂得大興也孟子說伯夷避



紂居北海之濱太公避紂居東海之濱聞文王祚興而歸之二老者  
天下之大老也而歸之是天下父歸之也天下父歸之其子焉往也是  
天下歸往之也文武之士並來歸周但下言蹻蹻是威武之貌故云有  
致死之士衆來助之文王率殷之叛國以事紂襄四年左傳文  
傳龍和至造爲正義曰龍之爲和其訓未聞魯頌稱蹻蹻虎  
臣故爲武貌造爲釋言文王肅云我周家以天人之和而受殷用  
武德嗣文之功傳意或然天人之和謂天助人從和同與周也箋龍寵  
至相致正義曰上言大介爲大來助周則我龍受之龍此大介寵字  
以龍爲聲故龍爲寵也來即寵受人皆羨之故蹻蹻之士爭來造  
王而王又用之則其餘嗣續而至儒行說交友之道又相待遠相致  
故以有嗣爲傳相致也從大介至有嗣節之爲三等言從周之士  
有先後而至也傳公事正義曰釋詁文箋允信至之道正義  
曰允信釋詁文上說行文王之事至此乃述武王故言武王之事所以  
舉兵克勝謂伐紂勝之也相九句正義曰相詩者講武類禡之樂  
歌也謂武王將欲伐殷陳列六軍講習武事又爲類祭於上帝爲禡



歌也謂武王將欲伐殷陳列六軍講習武事又爲類祭於上帝爲禡

祭於所征之地治兵祭神然後克紂至周公成王太平之時詩人  
追述其事爲此歌焉序又說名篇之意禡者威武之志言講武  
之時軍師皆武故取禡字名篇也此經雖有禡字止言三身  
之武名篇曰禡則謂軍衆盡武謚法闢土服遠曰禡是有威武  
之義禡字雖出於經而與經小異故特解之經之所陳武王伐  
紂之後民安年豐克定王業代殷爲主皆由講武類禡得使之  
然作者主美武王意思在本由類禡故序達其意言其作之所  
由講武是軍衆初出在國治兵也類則於內祭天禡則在於所征  
之地自內而出爲事之次也 箋類也至師祭 正義曰釋天云是  
類是禡師祭也王制云天子將出征類乎上帝禡於所征之地注云  
上帝謂五德之帝所祭於南郊者言祭於南郊則是感生之帝夏  
正於南郊祭者周則蒼帝靈威仰也南郊所祭一帝而已而云五  
德之帝者以記文不指言周不得斥言蒼帝故漫言五德之帝以  
揔之又嫌普祭五帝故言南郊以別之五德者五行之德此五方之帝  
各有本德故稱五德之帝太昊炎帝之等感五行之德生亦得謂之五



德之帝但類於上帝謂祭上天非祭人帝也且人帝無特在南郊祭者以此知非人帝也謂之類者尚書歐陽說以事類祭之天位在南方就南郊祭之春官肆師云類造上帝注云造猶即也爲北以類禮即祭上帝也類禮依郊祀而爲之者言依郊祀爲之是用歐陽事類之說爲義也言爲北以祭上帝則是隨兵所嚮就而祭之不必祭於南郊但所祭者是南郊所祭之天耳正以言造故知就其所往爲其北位而祭之不要在南郊此言小異於歐陽也南郊之祭天周以稷配此師祭所配亦宜用常配之人周即當以后稷也禡之所祭其神不明肆師云凡四時之大田獵祭表貉則爲位注云貉師祭也於立表處爲師祭祭造軍法者禱氣勢之增倍也其神蓋蚩尤或曰黃帝又甸祝掌四時之田表貉之祝號杜子春云貉兵祭也田以講武治兵故有兵祭習兵之禮故貉祭禱氣勢之十百而多獲由此二注言之則禡祭造兵爲軍法者爲表以祭之禡周禮作貉貉又或爲貊字古今之異也貉之言百祭祀此神求獲百倍 綏萬邦 毛以爲武王誅紂之後安此萬國使無兵寇之害數有豐年無饑饉之憂所以得然者上



此萬國使無兵寇之害數有豐年無饑饉之憂所以得然者上

天所命命爲善不懈倦者以爲天子栢栢然有威武之武王則能  
安有其天下之事是其爲善不倦故爲天所命於是用其武事於  
四方除其四方之殘賊能安定其家謂成就先王之業遂爲天下  
之主乃歎而美之於乎此武王之德乃明見於天殷紂以暴虐之故  
武王得用此美道以伐之 鄭唯下二句爲異言於明乎曰天言天道  
之大明也紂爲天下之君但由爲惡之故天以武王代之餘同 箋綏  
安至陽和 正義曰綏安釋詁文又云亟屢疾也同訓爲疾是屢得  
爲亟也經言萬國箋言天下天下即萬國也堯典云協和萬邦哀  
七年左傳曰禹會諸侯於塗山執玉帛者萬國則唐虞夏禹之  
時乃有此萬國耳王制之注以殷之與周唯千七百七十三國無萬  
國矣此言萬國者因夏有萬國遂舉其大數此文廣言天下之  
大不斥諸侯之身國數自可隨時變易其地猶是萬國之境故得  
舉萬言之此安天下有豐年謂伐紂即然僖十九年左傳云昔周  
饑克殷而年豐是伐紂之後即有豐年也 箋天命至天下  
正義曰以天命匪解爲下文揔之克定厥家是天子之事故知天命



以爲天子也安有天下之事謂天下衆事武王能安而有之以天下爲任而行之不懈言其當於天意也以當天意故天命之於是用其武事於四方謂既能誅紂又四方盡定由是萬國得安陰陽得和此言結上之意也家者承世之辭故云能定其家先王之業遂有天下先王雖有其業而家道未定故於伐紂其家始定也傳間代正義曰釋詁文毛傳未有以于爲曰皇多爲美此義必不與鄭同也王肅云於乎周道乃昭見於天故用美道代殷定天下傳意或然箋于曰至代之正義曰于曰皇君釋詁文言於明乎曰天言天去惡與善其道至光明也以武王伐紂即是明之事言武王當天意以伐紂所以歎美之賚六句正義曰賚詩者太封於廟之樂歌也謂武王既伐紂於廟中大封有功之臣以爲諸侯周公成王太平之時詩人追述其事而爲此歌焉經無賚字序又說其名篇之意賚予也言所以錫予善德之人故名篇曰賚經之所陳皆是武王陳文王之德以戒勅受封之人是其大封之事也此言大封於廟謂文王廟也樂記說武王克殷之事云將帥之士使爲諸侯下文即云虎賁之士脫劍祀乎



克殷之事云將帥之士使爲諸侯下文即云虎賁之士脫劍祀乎

明堂注云文王之廟爲明堂制是大封諸侯在文王之廟也 箋大封至有功者 正義曰以言大封則所封者廣唯初定天下可有此事守文之世不應得然且宣十二年老傳曰昔武王克商而作頌其三曰敷時繹思我祖維求定引此文以爲武王之頌故知武王伐紂時封諸臣有功者封爲諸侯樂記說武王克殷未及下車而封薊祝陳下車而封杞宋又言將率之士使爲諸侯是大封也昭二十八年左傳曰昔武王克商光有天下其兄弟之國者十有五人姬姓之國者四十八人古文尚書武成篇說武王克殷而反祀於周廟列爵惟五分土惟三大賚于四海而萬姓悅服皆是武王大封之事此言大封於廟樂記未至廟而已封三恪二代者言其急於先代之意耳祭統曰古者明君必賜爵祿於太廟示不敢專也然則武王未及下車雖有命封之必至廟受策乃成封耳亦在此大封之中也皇甫謐云武王伐紂之年夏四月乙卯祀於周廟將率之士皆封諸侯國四百人兄弟之國十五人同姓之國四十八人如謐之言此大封是伐紂之年事也文王既勤止 正義曰武王既封諸臣有功者於文王之廟因以文王



之道戒勅之言我父文王既以勤勞於政事止以勤勞於事故有此  
天下之業我當受而有之故我偏於是文王勞心之事比自陳而思行  
之我往以此維求安定言用文王之道往行天下以求天下之定此文王  
勞心之事是我周之受天命而王之所由於乎今汝諸臣受封者亦  
當陳而思行之言已陳行文王之道勅諸臣亦使陳而行之以此聖  
於太平故追述而歌之也 傳勤勞應當繹陳 正義曰昆冒釋詁文  
箋敷猶至天下 正義曰敷訓爲布是廣及之義故云猶徧也文王  
既勞心於政事者尚書所謂日昃不遑暇食是其事也由此勞心  
以有天下之業我當受之謂受其位爲天子也今我往以此求定者  
往者自己及物之辭謂行之於天下以求安定天下也 箋勞心至  
勸之 正義曰言是者上之勞心也上天之命命不懈怠者故知  
勞心是周之所以受天命而王之所由此詩爲大封而作故知於繹  
思是勅諸臣受封使陳而思行之文王之道可永爲大法故以  
文王之功業勸之於亦歎辭也 般七句 正義曰般詩者巡  
守而祀四嶽河海之樂歌也謂武王既定天下巡行諸侯所守之



守而祀四嶽河海之樂歌也謂武王既定天下巡行諸侯所守之

土祭祀四嶽河海之神神皆鄉食其祭祀降之福助至周公成王  
太平之時詩人述其事而作此歌焉經稱喬嶽翦河是祀河  
嶽之事也經無般字序又說其名篇之意般樂也爲天下所  
美樂定本般樂二字爲鄭注未知孰是嶽實有五而稱四者天  
子巡守遠適四方至於其方之嶽有此祭禮於中嶽無事故序  
不言焉四瀆者五嶽之匹故周禮嶽瀆連文序旣不言五嶽故亦  
不言四瀆以河是四瀆之一故舉以爲言漢書溝洫志曰中國川原  
以百數莫著於四瀆而河爲宗然則河爲四瀆之長巡守四瀆  
皆祭言河可以兼之經無海而序言海者海是衆川所歸經雖  
不說祭之可知故序特言之 於皇時周 毛以爲於乎美哉是  
周家也旣定天下巡省四方所至之處則登其高山之嶽而祭之其  
祭之也於大山之傍有墮墮然之小山與高而爲嶽者皆信案山  
川之圖者又合九河爲一以大小次序而祭之也徧天之下山川皆聚  
其神於是配而祭之能爲百神之主德合山川之靈是周之所以  
受天命由此也鄭唯以皇爲君哀爲衆爲異餘同 傳高山至



龔合正義曰嶽必山之高者故知高山四嶽也隨山對高山爲小故知山之小者隨隨然言其狹長之意也毛於皇字多訓爲美王肅云美矣是周道已成天下無違四面巡嶽升祭其高山傳意或然龔合釋詁文箋皇君至爲一正義曰皇君喬高釋詁文猶圖釋言文以於已是歎美之辭故以皇爲君君是周邦謂爲天子也巡守所至則登其高山而祭之謂每至其方告祭其方之嶽也堯典及王制說巡守之禮皆言望秩于山川堯典注云徧以尊卑次秩祭之則知隨山喬嶽允猶龔河皆謂秩祭之事故云小山高嶽皆信案山川之圖而次序祭之此即望秩之事也喬嶽與上句高山猶是一事但巡守之禮其祭主於方嶽故先言陟其高山又說望秩之意言小山亦可與四嶽同祭故又言喬嶽今與小山爲類見其同祭之耳允猶之文承山嶽之下可案山圖耳而并云川者山之與川共爲一圖言望秩山川則亦案圖耳但河分爲九合而祭之一故退龔河之文在允猶之下使之不蒙允猶自河以外其餘衆川明皆案圖祭之故云信案山川之圖信者謂審



爲九合而祭之一故退翁河之文在允猶之下使之不蒙允猶自  
河以外其餘衆川明皆案圖祭之故云信案山川之圖信者謂審

信而案之又解山不言合獨河言合者河自大陸之北敷爲九河祭  
者合之爲一故云翕也禹貢導河自積石至于龍門南至于華陰  
東至于底柱又東至于盟津東過洛汭至于大岬北過降水至  
于大陸又北播爲九河同爲逆河入于海是大陸之北敷爲九  
河敷者分散之言與播義同故彼注云播猶散也同合也下  
尾合爲逆河言相迎受也然則因大陸分而爲九至下又合爲一  
其首尾是一故祭者合之漢書地理志鉅鹿郡有鉅鹿縣大陸  
澤在其北禹貢注云在鉅鹿鄭志荅張逸云鉅鹿今名廣河澤  
然則河從廣河之北分爲九也禹貢兗州九河旣道孔安國注云  
河水分爲九道在此州界平原以北是也鄭注云河水自上至此流  
盛而地平無岸故能分爲九以衰其勢壅塞故通利之也九河之  
名徒駭太史馬頰覆釜胡蘇簡絜鉤盤鬲津周時齊桓公塞之  
同爲一今河閒弓高以東至平原鬲盤往往有其遺處焉鄭三亮  
河之名釋水文也李巡曰徒駭者禹疏九河以徒衆起故曰徒駭太史  
考禹大使徒衆通水道一曰太史馬頰者河勢上廣下狹狀如馬



頰覆釜者水多渚其渚往往不處狀如覆釜胡蘇者其水下流故曰胡蘇胡下也蘇流也簡者水深而簡大也絜者言河水多山石之苦故絜絜苦也鉤盤者河水曲如鉤屈折如盤故曰鉤盤鬲津者河水狹小可隔爲津故曰鬲津孫炎曰徒駭者禹疏九河功難衆懼不成故曰徒駭太史者大使徒衆故依名云胡蘇者水流多散胡蘇然簡者水通易也鉤盤者水曲如鉤盤桓不前也鬲津者水多阨狹可隔以爲津而橫渡也是解九河之名意也溝洫志稱成帝時博士許商以爲古記九河之名有徒駭胡蘇鬲津今見在成平東光鬲界中自鬲以北至徒駭間相去二百餘里今河雖數移不離此域如商此言上舉三河之名下以縣充之則徒駭在成平胡蘇在東光鬲津在鬲縣其餘六者商所不言蓋於時已不能詳知其處故又商言自鬲以北至徒駭間相去二百餘里則徒駭是九河之最北者鬲津是九河之最南者然則爾雅之文從北而說也太史馬頰覆釜文在胡蘇之上則三者有成平之南東光之北也簡絜鉤盤文在胡蘇之下則三者有東光之南鬲縣之北也鄭亦不能具知所在故



在故蘇之下則三者在東光之南鬲縣之北也鄭亦不能具知所在故

云往往有其遺處是其不審之辭也郭璞云徒駭今在成平縣東  
光有胡蘇亭鬲盤今皆爲縣屬平原渤海東光成平河間弓  
高以東往往有其遺處焉璞言盤今爲縣以爲盤縣其餘亦不  
審也雖古之河跡難得而詳要於禹貢之時皆在兗州之界於漢  
之世則兗州之所部近南其界不及於北故鄭志趙商謂河在兗  
州之北已分爲九河分而復合至大陸之北又分爲九故問之曰禹貢導  
河至于大陸又北播爲九河然則大陸以南固未播也在於兗州安  
得有九至於何時復得合爲一然後從大陸已北復播爲九也答  
曰兗州以濟河爲界河流分兗州界文自明矣復合爲一乃在下頭  
子走南北何所求乎觀子所云似徒見今兗州之界不及九河而  
青冀州分之故疑之耳旣知今亦當知古是鄭以古之九河皆在  
兗州之界於漢乃冀州域耳言復合爲一乃在下頭正以經云同爲  
逆河入于海明并爲一河乃入于海故云在下頭耳亦不知所并  
之處故不斥言之齊桓公塞爲一者不知所出何書其并爲一未知  
并從何者 傳哀惠



曰釋言云哀衆多也。傳言多是哀得爲衆。釋詁云如合會對是對得爲配。言徧天之下則無有不祭。故以爲衆山川之神皆配祭之主。言配者山川大小相從配之祭無不徧之意也。是周之所以受天命而王者言其得神之助。故能受天之命。武王受命伐紂後乃巡守方始祭祀山川而云受命由此者。作者以神能助人歸功於神見受命之前已能敬神及今巡守猶能敬之故所以得受天命而王天下。言此是神明之助故也。此篇末俗本有於釋思三字誤也。

毛詩正義卷第三十七

計一万九千二百四十六字

事



正許正義卷第三十八

唐國子祭酒曲阜縣開國子呂孔

穎達等奉

勅撰定

魯頌譜

香山常侍

駟有駟泮水閼宮

魯者少昊摯之墟也國中有大庭氏之庫則大庭氏亦居茲  
乎正義曰昭十七年左傳云郊子曰少暉摯之立也定四  
年左傳祝佗曰命伯禽封於少暉之墟是其文所出也明堂  
位曰封周公於曲阜少暉之墟即曲阜也漢書地理志云周  
興以少暉之墟曲阜封周公子伯禽為魯侯以為周公主應  
劭云曲阜在魯城中委曲長七八里然則其都在此曲阜其  
地則名魯也昭十八年宋衛陳鄭災左傳稱梓慎登大庭  
氏之庫以望之經傳之文雖不言大庭居魯而此庫繫大庭  
言之故為疑辭云則大庭氏亦居此乎杜預曰大庭氏古國  
在魯城內魯於其處作庫高顯故之也然則大庭



在於魯城內於其處下車非大庭氏所作也。在周  
公歸政成王封其元子伯禽於魯。正義曰洛誥言七年  
冬周公致政成王時事其經云烝祭歲文王騂牛一武王  
騂牛一王命作冊逸祝冊惟告周公其後注云謂將封伯  
禽也又闕宮云王曰叔父建爾元子俾侯于魯是周公歸政  
成王封其元子伯禽之事也史記魯世家云武王既克殷封  
周公旦於少暉之墟曲阜是爲魯公周公不就封於是卒相  
成王而使其子伯禽代就封於魯然則周公於武王之時已  
受魯封但身不之魯使伯禽就國至歸政之後成王乃大啓  
土宇令地方七伯里魯之封疆於是始定故據後定言之  
其封域在禹貢徐州大野蒙羽之野。正義曰禹貢海岱  
及淮惟徐州云蒙羽其藝大野既猪徐州是魯之界故知  
之。自後政喪國事多廢十九世至僖公當周惠王襄  
王時而遵伯禽之法養四種之馬牧於坰野。正義曰魯  
自伯禽之後有武公魯人追立其廟以爲世室又有孝公爲



自伯禽之後有武公魯人追立其廟以爲世室又有孝公爲

樊仲山甫所薦雖復賢於諸公不爲時所歌頌不能遵伯禽之法故摠云政衰事廢明僖公興之故致頌也世家云伯禽卒子考公會立卒弟熙立是爲煬公卒子幽公宰立十四年弟潰弑幽公而立是爲魏公卒子厲公擢立卒魯人立其弟具是爲獻公卒子眞公湍立卒弟敖立是爲武公卒子戲立是爲懿公九年兄括之子伯御與魯人攻殺懿公而立伯御爲君十一年周宣王伐魯殺伯御乃立懿公弟稱是爲孝公卒子弗湮立是爲惠公卒子息姑攝行君事是爲隱公十一年冬公子翬殺隱公立其弟允爲君是爲桓公十八年卒立太子同是爲莊公三十二年卒立子開爲閔公二年卒於是季友奉公子申立之是爲僖公從周公數之故爲十九世僖公以惠王十九年即位襄王二十二年薨是當周惠王襄王時也尊賢祿士脩泮宮崇禮教正義曰有駉喻僖公用臣必先致祿食振振路言絮白之士羣集君朝是尊賢祿士水頌僖公能脩泮宮具脩泮宮崇禮教也寄瑗云魯



頌故每篇言頌以名主於不居故也俞修泮宮王功之事春秋經不書者泮宮止國學也脩謂舊有其宮脩行其教學之法功費微少非城郭都邑例所不書也 十六年冬會諸侯于淮上謀東略公遂伐淮夷 正義曰春秋僖十六年經書冬十有二月公會齊侯宋公等於淮左氏傳曰會于淮謀鄫且東略如傳之意以言此會主為謀鄫且東行略地今鄭言謀東略則鄭意言此會非直謀鄫且謀東略以為二俱謀之僖九年左傳宰孔云齊侯不務德而勤遠略故北伐山戎南伐荆楚西為此會東略之不知西則否矣是謂征伐為略也此言謀東略者謂東征伐而略地也淮會既有此謀公所以遂伐淮夷泮宮之篇所說伐淮夷事是也但春秋經傳僖公無伐淮夷之事故鄭推校早晚以為淮會之謀東略即是謀伐淮夷既謀即伐故稱遂也案左傳僖十六年冬公會諸侯于淮未歸而使師取項公為齊所止十七年方始得還傳云書曰公至自會猶有



齊桓公十七年方始得還傳云書曰公至自會猶有

諸侯之事焉且諱之也然則伐淮夷者是在十七年末公還之後乃興師伐之詩稱旣作泮宮淮夷攸服則是受成於學然後出師非因會而遂行也淮會謀東略者與諸侯共謀詩稱伐淮夷者專美魯侯蓋以淮夷居淮水之上在徐州之界最近於魯於時霸者使魯獨征之故詩專美僖公也用兵征伐事之大者春秋之例君舉必書所以經傳無伐淮夷文者當是史文脫漏故經傳皆闕 二十年新作南門又脩姜嫄之廟至於復魯舊制未徧而薨 正義曰二十年新作南門春秋經也閼宮云閼宮有恤實實枚枚又曰新廟奕奕奚斯所作是又脩姜嫄之廟也序稱僖公能遵伯禽之法而牧馬門廟魯之舊事是至於復魯舊制也伯禽之後國事多廢則所廢者非徒馬及門廟而已故云未徧而薨所以死後追頌若然新作南門左傳云書不時也而以爲僖公之美者僖公新作南門意在脩復古制但不從啓塞之時是於禮爲小失春秋貶纖介之惡故取以爲譏論其復舊

納美事作南門脩廟其事相類故鄭言脩廟因說作門贊



大美金言其致頌之本意也脩姜嫄之廟春秋不書者魯國舊有此廟更脩理之用功少例所不書也 國人美其功季孫行父請命於周而作其頌 正義曰旣言未徧而薨乃云請周作頌則此頌之作在僖公薨後知者以大夫無故不得出境上請天子追頌君德雖則羣臣發意其行當請於君若在僖公之時不應聽臣請王自頌己德明是僖公薨後也文六年行父始見於經十八年史克名見於傳則克於文公之時爲史官矣然則此詩之作當在文公之世其年月不可得而知也行父請周而不見於經者凡羣臣出使嘉好聘享受命而行者乃書之耳此行父適周自以羣臣之心請王作頌雖復告君乃行不稱君命以使非史策所得書也駟頌序云史克作是頌廣言作頌不指駟篇則四篇皆史克所作閼宮云新廟奕奕奚斯所作自言奚斯作新廟耳而漢世文人班固王延壽之等自謂魯頌是奚斯作之謬矣故王肅云當文公時魯賢臣季孫行父請于周而令史克作頌四篇以祀是肅意以其作在文公之時四篇皆史克所作也四篇一人之作而爲此次者以駟



之時四篇皆史之所作也四篇之人之作而爲此者以馬

言務農重穀爲政之本又善於任賢故次有駢言君臣之有道也君臣同心則能脩教征伐故次泮水言能脩泮宮服淮夷也文武旣備明神降福則能克翦放命復其疆宇故終以閟宮四篇皆頌僖公之美德也若然春秋僖八年秋七月禘于太廟用致夫人三十一年夏四月卜郊不從猶三望三十三年薨于小寢皆爲春秋所譏則是行不純善而得作頌者春秋所譏皆人事小失非有損於國家僖以魯之先君國事多廢遠遵伯禽之法能復周公之宇安寧魯國作爲賢君緣王者不陳其詩故臣子請而作頌亦猶他國作詩美其君耳非是太平德洽和樂頌聲雖復行有小失不妨其作文也僖公能遵伯禽之法尚爲魯人所頌則伯禽之德自然堪爲頌矣所以無伯禽頌者伯禽以成王元年受封於魯於時天下太平四海如一歌頌之作事歸天子列國未有變風魯人不當作頌 文公十三年太室屋壞 正義曰此春秋經也閟

只受此俱引此文者以彼傳云書不恭也杜預云簡慢宗



周禮三傾頹故書以見臣子不恭然則宗廟毀壞者譏其不  
恭明脩造繕治者於事爲善申說僖公之復舊制作新鑿  
可頌之事故引太室壞而反以證之公羊穀梁皆以太室爲  
世室謂伯禽之廟服杜皆以爲太廟之室鄭無所說蓋與左  
氏義同也 初成王以周公有太平制典法之勲命魯郊祭天  
三望如天子之禮故孔子錄其詩之頌同於王者之後 正  
義曰明堂位云武王崩成王幼周公踐天子之位以治天下  
六年制禮作樂頒度量而天下大服七年致政於成王以周公  
爲有勲勞於天下命魯公世世祀周公以天子之禮是以魯君  
孟春乘大輅載弧韜旂十有二旒日月之章祀帝于郊配  
以后稷天子之禮也是成王命魯之郊天也春秋每云不郊  
猶三望是魯郊祭天而因祭三望也鄭以三望爲河海岱是  
魯之境内山川也祭其境内山川則自是諸侯常法亦云天  
子之禮者以春秋郊望連文故因說郊天而并云三望耳禮  
運云夫杞之郊也禹宋之郊也契是王者之後得郊天由命



運云夫杞之郊也禹宋之郊也契是王者之後得郊天由命

魯得郊天用天子禮同爲王者之後故孔子亦錄其詩之頌同於王者之後也王者之後而有頌者正謂宋有商頌解魯頌所以得與商頌同稱頌之意也 問者曰列國作詩未有請於周者行父請之何也曰周尊魯巡守述職不陳其詩至於臣頌君功樂周室之聞是以行父請焉 正義曰變風之序皆不言請周此獨言請故問而釋之王制說巡守之禮云命太師陳詩以觀民之風俗然則天子巡守采諸國之詩觀其善惡以爲黜陟今周尊魯是王者巡守述職不陳其詩雖魯人有作周室不采商譜云巡守述職不陳其詩示無貶黜客之義然則不陳魯詩亦示無貶黜魯之義也巡守陳詩觀民風俗善則賞之惡則貶之旣示無貶黜不采其詩雖有善詩不得復采故王道旣衰變風皆作而魯獨無之以無魯風故知巡守述職不陳其詩魯之臣子緣周室尊魯不陳其詩是不欲使魯有惡旣不欲其惡當喜聞其善至於臣頌君功亦樂使周室聞之是以行父請焉魯人請周不作風而作頌者以頌者盛德之形容是詠歌之善稱王者有成功盛德然後頌聲



山陰魯詩稱穆穆魯侯敬明其德是美盛德也既克淮夷孔淑  
不逆是成功也既有盛德復有成功雖不可上比聖王足得君子  
追慕故借其嘉稱以美其人言其所美有形容之狀故稱頌也以  
作頌非常故特請天子以魯是周公之後僖公又實賢君故特許  
之不然亦不得輒借其名而作頌也周之不陳其詩者為優耳  
其有大罪侯伯監之行人書之亦示覺焉正義曰又解不陳其詩  
所以為勸誡者其大罪州牧侯伯監察之行人之官書記之亦足示  
覺知之焉雖則不陳其詩亦足以為黜陟也商譜云示無貶黜客之  
法此言亦示覺焉互相補足皆是示法而已其有善惡不得不黜  
陟之也此言主於戒惡故言有大罪耳其實小善小惡亦監之書之也  
侯伯者州牧之別名僖元年左傳曰凡侯伯救患分災討罪禮也是  
州內諸侯有善惡者侯伯當監之也秋官小行人云及其萬民之利  
害為一書其禮俗政事教治刑禁之逆順為一書其悖逆暴亂作  
惡猶犯令者為一書其札喪凶荒厄貧為一書其康樂和親安平  
為一書凡此五物者每國辨異之以此反命于王以周知天下之



爲一書凡此五物者每國辨異之以此反命于王以周知天下之

故是諸國有善惡行人當書之 騶章章八句至作是頌 正義

曰作騶詩者頌僖公也僖公能遵伯禽之法伯禽者魯之始封賢君其法可傳於後僖公以前莫能遵用至於僖公乃遵奉行之故能性自節儉以足其用情又寬恕以愛於民務勤農業貴重田穀牧其馬於坰遠之野使不害民田其爲美政如此故旣薨之後魯國之人慕而尊之於是卿有季孫氏名行父者請於周言魯爲天子所優不陳其詩不得作風今僖公身有盛德請爲作頌旣爲天子所許而史官名克者作是騶詩之頌以頌美僖公也定本集本皆重有僖公字言能遵伯禽之法者伯禽賢君其法非一僖公每事遵奉序者惣以爲言也不言遵周公之法者以周公聖人身不之魯魯國之所施行皆是伯禽之法故繫之於伯禽以見賢能慕賢之意也儉者約於養身爲費寡少故能畜聚貨財以足諸用寬者緩於馭物政不苛猛故能明慎刑罰以愛下民此雖僖公本性亦遵伯禽爲然也務農謂止舍勞役盡力耕耘重穀謂愛惜禾

六、安損費其事是一但所從言之異耳由其務農故收於坰



之野使避民居與良田即四章上二句是也其下六句是因言以在於坵野即說諸馬肥健僖公思使之善終說牧馬之事也僖以足用寬以愛民說僖公之德與務農重穀爲首引耳於經無所當也僖公之愛民務農遵伯禽之法非獨牧馬而已以馬畜之賤尚思使之善則其於人事無所不思明矣魯人尊之以下以諸侯而作頌詩爲非常故說其作頌之意雖復主序此篇其義亦通於下三篇亦是行父所請史克所作也此言魯人尊之謂旣薨之後尊重之也 箋季孫至魯史 正義曰行父是季友之孫故以季孫爲氏死謚曰文子左傳世本皆有其事文十八年左傳稱季文子使太史克對宣公知史克魯史也此雖借名爲頌而體實國風非告神之歌故有章句也禮諸侯六閑馬四種有良馬有戎馬有田馬有騶馬僖公使牧於坵野馬皆肥健作者因馬有四種故每章各言其一首章言良馬朝祀所乘故云彭彭見其有力有容也二章言戎馬齊力尚強故云伾伾見其有力也三章言其田馬田獵齊足尚疾故云驛驛見其善走也卒章言騶馬主給雜使貴



齊足尚疾故云驛驛見其善走也卒章言駑馬主給雜使貴

其肥壯故云祛祛見其強健也馬有異種名色又多故每章各舉四色以充之宗廟齊豪則馬當純色首章說良馬而有異毛者容朝車所乘故也 駟駟至斯臧 正義曰僖公養四種之馬又

能遠避良田魯人尊重僖公作者追言其事駟駟然腹幹肥張者所牧養之良馬也所以得肥張者由其牧之在於坰遠之野其水草既美牧人又良飲食得所莫不肥健故皆駟駟然薄言駟

者有何馬也乃有白跨之駟馬有黃白之皇馬有純黑之驪馬

有黃駢之黃馬此等用之以駕朝祀之車則彭彭然有壯力有儀容矣是由牧之以理故得使然此僖公思遵伯禽之法反覆思之無有竟已其所思乃至於馬亦令之使此善是其所及廣博不可忘也定本牧馬字作牡馬 傳駟駟至曰坰 正義曰腹

謂馬肚幹謂馬脅宣十五年左傳曰雖鞭之長不及馬腹謂鞭馬

肚也莊元年公羊傳曰拉公幹而殺之謂折公脅也肥張者充而

張大故其色駟駟然是馬肥之貌耳毛以四章分說四種之馬故

言駟良馬腹幹肥張明首章為良馬二章為戎馬也坰者闊廣



之義。為遠釋地云邑外謂之郊郊外謂之牧牧外謂之野野外謂之林林外謂之坰此傳出於彼文而不言郊外曰牧注云郊外曰野者自郊以外野為通稱因即據野為說不言牧焉且彼郊外之牧與此經牧馬字同而事異若言郊外牧嫌與牧馬相涉故略之也郊牧野林坰自邑而出遠近之異名孫炎曰邑國都也設百里之國五者之界界各十里然則百里之國國都在中去境五十每十里而異其名則坰為邊畔去國最遠故引之以證坰為遠也彼據小國言之郊為遠郊牧野林坰自郊外為差則郊也牧也野也坰也四者不同處箋稱牧於坰野又言牧在遠郊便是郊牧坰野共為一處與爾雅異者自國都以外郊為大限言牧在遠郊謂所牧之處在遠郊之外正謂在坰是也野者郊外通名故周禮六遂在遠郊之外遂人職云凡治野田是其郊外之地摠稱野也牧於坰野自謂放牧在坰非遠近之名雖字與爾雅相涉其意皆不同也孫炎言百里之國十里為郊則郊之遠近計境之廣狹以為差也聘禮云賓及郊注云郊遠郊周制天子畿內千里遠郊百里



差也聘禮云賓及郊注云郊遠郊周制天子畿內千里遠郊百里

以此差之遠郊上公五十里侯四十里伯三十里子二十里男十里也近郊各半之是鄭之所約也以聘禮下云賓至于近郊故知賓及郊者爲遠郊也司馬法云王國百里爲遠郊且王畿千里其都去境五百里爾雅從邑之外止有五明當每皆百里故知遠郊百里也知近郊半之者書序云周公既沒命君陳分正東郊成周於時周都王城而謂成周爲東郊則成周在其郊也於漢王城爲河南成周爲洛陽相去不容百里則所言郊者謂近郊故注云天子近郊五十里今河南洛陽相去則然是鄭以河南洛陽約近郊之里數也周禮杜子春注云五十里爲近郊白虎通亦云近郊五十里遠郊百里是儒者相傳爲然昭二年叔弓如晉左傳曰晉侯使郊勞服虔云近郊三十里或當引有依約與鄭異也書傳云百里之國二十里之郊七十里之國九里之郊五十里之國三里之郊言其百里七十里是夏殷諸侯之國其郊與周異也箋必牧至之地正義曰解牧馬必在坰野之意以國內居民多近都之地貴必牧於坰野者此民居與良田故也以序云務農重穀牧於坰野故知有



通民上之義也引周禮者地官載師文彼汪鄭司農云官田者以備公家之所耕也牛田者以養公家之牛也賞田者賞賜之田也牧田者牧六畜之田立謂官田庶人在官者其家所受田也牛田牧田畜牧者之家所受田也必易司農者以載師掌任土之法以物地事所陳者爲制貢賦而言也若官所耕田及牛牧之田則自公家所用無賦稅之事下文何云近郊十一遠郊二十而三爲稅法也以此故易之彼司農以牛田爲牧家所受則非復放牧之田而引證此者以牧人之牧六畜常在遠郊之外因近其牧處而給之田故引此爲證牧馬之處當遠於國也彼雖天子之法明諸侯亦當然則牧在遠地避民良田乃是禮法當然自僖公以前不能如禮故特美之 傳牧之至有容也 正義曰上言駟駒牧馬在坳之野是馬之肥乃言其牧處此云薄言駒者有驕有皇是就其所牧之中言肥馬之色此駒駒之肥由牧之使然故傳辨之云牧之坳野則駒駒然釋畜云驪馬白跨驕孫炎曰驪黑色也白跨股脚白也郭璞云跨髀間也然則跨者所跨



據之處謂髀閒白也釋畜又云黃白皇舍人曰黃白色雜名皇也其驪與黃則爾雅無文月令孟冬云駕鐵驪象時之色檀弓云夏后氏尚黑戎事乘驪故知純黑曰驪爾雅黃白皇謂黃而色白者名之爲皇則黃而赤色者直名爲黃明矣故知黃駢曰黃駢者赤色謂黃而雜赤者也諸侯六閑馬四種夏官校人有其事故知邦國六閑傳唯變邦國以爲諸侯耳以四章所論馬色旣別皆言以車明其每章各有一種故言此以充之不於上經言之者以上文二句四章皆同無可以爲別異故就此以車異文而引之也閑謂馬之所在有限衛之處校人之注以爲二百一十六匹爲一廐每廐爲一閑諸侯有四種其三種別爲一閑駑一種而分爲三閑也傳旣言馬有四種又辨四種之異故云有良馬有戎馬有田馬有駑馬彼校人上文辨六馬之屬種戎齊道田駑本無良馬之名鄭於彼注以爲諸侯四種無種戎而有齊道田駑此傳有良戎而無齊道與彼異者彼上文說六馬之屬下

天六種邦國四種家二種自上降殺以兩明當漸有其等



其必如鄭說今傳言良馬非彼六馬之名則戎馬非彼之義戎馬自以時事名之蓋謂齊馬爲良馬道馬爲戎馬也何則國之大事在祀與戎諸侯之國必有朝祀征伐之事謂朝祀所乘爲良馬征伐所乘爲戎馬非周禮之種戎也彼鄭注以次差之玉路駕種馬戎路駕戎馬金路駕齊馬象路駕道馬田路駕田馬駑馬給宮中之役彼以天子具有五路故差之以當六馬而諸侯路車多少不等有自金路以下者有象路以下者有革路以下者車雖有異馬皆四種則知其爲差次不得同天子故傳準所用別爲立名謂之良戎不言齊道案魯以同姓勲親有金路以下則當金路象路共駕良馬戎路駕戎馬田路駕田馬駑馬給宮中之役其餘諸侯無金路者事窮則同蓋亦準其時事分乘四種大夫亦無路車亦有二種之馬明以時事乘之不必要駕路車也若然案夏官戎右注云此充戎路之右田亦爲之右然則戎田相類何知不象路駕戎馬戎路駕田馬而必知諸侯有金路者金路象路共駕良馬戎路駕戎馬者



而必知諸侯有金路者金路者金路也馬戎路者戎馬者

以兵戎國之大事當駕善馬不得與田馬同也天子戎路以其無飾故卑於象路戎馬以其尚強故戎馬先於齊馬以此知諸侯戎路亦不得與田路同馬且戎路之衡高於田路田馬不得駕之冬官輅人爲輅國馬之輅深四尺有七寸田馬之輅深四尺注云國馬謂種馬戎馬齊馬道馬高八尺兵車乘車衡高八尺七寸田馬七尺則衡高七尺七寸是戎馬之高當與齊道同不與田馬等故知戎路不得駕田馬也戎路必駕戎馬則知有金路者金路象路共駕良馬明矣校人又云凡頒良馬而養乘之注云良善也善馬五路之馬彼以五路之馬皆稱爲良此傳獨以齊馬爲良馬者以其用之朝祀故謂之良不與周禮同也朝祀所乘雖取其力亦須儀容故云彭彭有力有容言其能備五御之威儀也箋臧善至廣博正義曰臧善釋詁文疆者竟也故云反覆思之無竟已言伯禽之法非一僖公每事思之所思衆多乃至於思馬斯善以馬是賤物舉微以見其著多大其思之所及者能廣博也傳蒼白至有力戎釋畜云蒼白雜毛騅郭璞曰即今騅馬也又云黃白雜毛



郭曰今之挑華馬也此二者皆云雜毛是體有二種之色相  
間雜上云黃白曰皇黃駢曰黃止一毛色之中自有淺深與此二  
色者異故不云雜毛也其駢騏爾雅無文周人尚赤而牲用駢  
惲禮稱陽祀用駢牲是駢爲純赤色言赤黃者謂赤而微黃其  
色鮮明者也上云黃駢曰黃謂黃而微赤此云赤黃曰駢謂赤  
而微黃此其所以異也騏者黑色之名蒼騏曰騏謂青而微黑  
今之驄馬也顧命曰四人騏弁注云青黑曰騏引詩云我馬維騏  
是騏爲青黑色此章言戎馬戎馬貴多力故云伾伾有力 傳青  
驪至善走 正義曰釋畜云青驪驂驪孫炎云色有淺深似魚  
鱗也郭璞曰色有深淺班駮隱胤今之連錢驄也又云白馬  
黑驪駱郭璞引禮記曰夏后氏駱馬黑驪然則髦即是驪皆  
謂馬之駿也定本集注髦字皆作驪皆謂馬之駿也定本集注  
髦字皆作驪其駢雜爾雅無文爾雅有駢白駮駢馬黃脊驪  
駮則駢是色名說者以駢爲赤色若身驪俱赤則駢馬故  
爲赤身黑驪曰駢而今之駢馬也黑身白驪曰雜則未知所



出檢定本集注及徐音皆作駱字而俗本多作駮案爾雅有駮白駮謂赤白雜色駮而不純非黑身白驪也東山傳曰駮白曰駮謂赤白雜取爾雅為說若此亦為駮不應傳與彼異且注爾雅者樊光孫炎於駮白駮下乃引易乾為駮馬引東山皇駮其馬皆不引此文明此非駮也其字定當為雒但不知黑身白驪何所出耳此章言田馬田獵尚疾故言繹繹善走傳作始正義曰釋詁云倣作也始也倣之所訓為作為始是作亦得為始思馬斯始謂今此馬及其占始如伯禽之時也箋獸獸至乘駕正義曰獸獸釋詁文彼作射音義同以上章斯臧斯才皆馬之身事故易傳以作為作用謂牧之使可作用乘駕也傳陰白至彊健正義曰釋畜云陰白雜毛駮告人曰今之泥驄也樊光曰駮者目下白也孫炎曰陰淺黑也郭璞曰陰淺黑今之泥驄或云目下白或云白陰皆非也璞以陰白之文與驪白黃白蒼白彤白相類故知陰是色名非目下白與白陰也又云彤白雜毛人曰赤白雜毛今赭馬名駮郭璞云彤赤也即今赭白馬是



也。云一目白，謂二目白。魚舍人曰：一目白曰矐，兩目白爲魚郭。璞曰：似魚目也。其驢，爾雅無文。說文云：駢，駢也。郭璞曰：駢，脚脰然。則駢者膝下之名。釋畜云：四駢皆白，驢無豪，駢白之名。傳言豪，駢白者，蓋謂豪毛在駢而白，長名爲驢也。驢則四駢雜白而毛短，故與驢異也。此章言駢馬主以給宮中之役，貴其肥壯，故曰祛祛彊健也。箋：徂猶至，走行。正義曰：徂，訓爲往，行乃得往，故徂猶行也。思牧馬使可走行，亦上章使可乘駕之事也。王肅云：徂往也。所以養馬得往，古之道。毛於上章以作爲始，則此未必不如肅言，但無迹可尋，故同之。鄭說有駢三章，章九句，至有道正義曰：君以恩惠及臣，臣則盡忠事君，君臣相與皆有禮矣。是君臣有道也。經三章皆陳君能祿食其臣，臣能憂念事君，夙夜在公，是有道之事也。此主頌僖公而兼言臣者，明君之所爲美，由與臣有道，道成於臣，故連臣而言之。箋：有道至之謂。正義曰：蹈履有法，謂之禮行；允事宜，謂之義。君能致其祿食與之燕飲，是君以禮義與臣也；臣能夙夜在公，盡其忠敬，是臣以禮義與君。



也 有駉至樂兮 正義曰言有駉有駉然肥彊之馬此駉然肥  
彊者彼之所乘黃馬也將欲乘之先養以芻秣故得肥彊乘之則  
可以升高致遠得爲人用矣以興僖公有賢能之臣將任之先致  
其祿食故皆盡忠任之則可以安國治民得爲君用矣羣臣以盡  
忠之故常侵早逮夜在於公所其在於君所則君臣無事相與明  
義明德而已以君臣閒暇共明德義故在外賢士競來事君振振  
然而羣飛者絜白之鷺鳥也此鷺鳥於是下而集止於其所以喻  
絜白者衆士也此衆士於是來而集止於君朝旣集君朝與之燕  
樂以鼓節之咽咽然至於無筭爵而醉爲君起舞以盡其歡於是  
君臣皆喜樂兮是其相與之有道也 傳駉馬至安國 正義曰以  
駉與乘黃連文故知駉者馬肥彊之貌以序言君臣有道下句皆  
說臣事故知以肥馬喻彊臣也四馬曰乘故言乘黃 箋此喻至  
其忠 正義曰傳以馬之肥彊喻臣之彊力馬由人所養飼乃得  
肥彊肥彊乃能致遠人得祿食充足乃能盡忠盡忠乃肯用力若  
不 雖有彊力不肯用之故箋重申傳意案夏官司士云以功



何行云先勞而後祿不亦易祿乎然則臣當先施功勞然後受祿此僖公用臣所以先致祿食者彼二文皆謂君初用臣臣初仕君必試之有功乃與之祿若其位定之後食祿是常君當豐其祿食要其功效不得復待有功方始祿之故美僖公先致祿食使臣盡忠此則禮之常法美僖公能順禮也 箋夙早至明德

正義曰夙早釋詁文以臣之於君德義而已以經有二明故知謂明義明德也定本集本皆云議明德也無上明字施物得宜為義在身得理為德雖内外小殊而大理不異引大學明德者彼謂顯明明德之事故引之以證此為明德也 箋于於至喜樂 正義曰于於胥皆釋詁文絜白之士不仕庸君以僖公君臣無事相與明義明德而已德義明乃為賢人所慕故絜白之士則羣集於君之朝既言君臣相與明義明德別言絜白之士羣集君朝則絜白之士謂舊臣之外新來者也上言在公明明據臣為文則明義明德唯應臣明之耳而云相與者以言在公則是共公明之故知君臣並明德義也以禮與之飲酒謂為燕禮燕禮以樂助歡



故以鼓節之咽咽然醉始言舞故知至於無筭爵則有舞盡歡以君與臣燕故知君臣於是皆喜樂也 傳言臣至餘惠 正

義曰臣禮朝朝暮夕不當常在君所今間暇無事而夙夜在公是臣有餘敬也君之於臣饗燕有數今以無事之故即與之飲酒是君有餘惠也 箋飛喻至欲退 正義曰以上言於下此言於飛是

既下而飛去故知喻羣臣飲酒醉欲退也絜白之士謂新來之人但新來之人即在臣例且與舊臣同燕故以羣臣言之 傳青驪

曰駟 正義曰釋畜云青驪駟舍人曰青驪馬今名駟馬也孫炎曰色青黑之間郭璞曰今之鐵聰也 自今至樂兮 正義曰君

臣有道如此可致陰陽和順從今以爲初始歲其當有豐年言君德可以感之也君子僖公有善道可以遺其子孫言其德澤堪及於後也以此之故於是君臣皆喜樂兮 傳歲其有豐年 正義曰

春秋書有年者謂五穀大熟豐有之年故知其有年謂從今以去當有豐年也定本集注皆云歲其有年此詩僖公薨後

云自今以始者上二言在公載燕因即據燕爲今與將來



以作詩爲始 箋穀善貽遺 正義曰穀善釋詁文

貽遺釋言文 泮水八章章八句至泮宮 正義曰作泮水

詩者頌僖公之能脩泮宮也泮宮學名能脩其宮又脩其化經  
八章言民思往泮水樂見僖公至於克服淮夷惡人感化皆脩  
泮宮所致故序言能脩泮宮以摠之定本云頌僖公脩泮宮無  
能字 思樂至于邁 正義曰僖公能脩泮宮爲宮立水水傍  
生菜宮內行化魯人言已思樂往泮宮之水我欲薄采其芹之  
菜也既采其菜又觀其化值魯侯僖公來至此泮宮我觀其車  
之所建之旂而有文章法度則其旂乃莢莢然有法度其鸞則  
噦噦然有聲言其車服得宜行趨中節也又魯之羣臣無小無  
大皆從公往行而至泮宮言僖公之賢人樂見之也 傳泮水  
至其化 正義曰此美僖公之脩泮宮述魯人之辭而云思樂泮  
水故知泮水即泮宮之外水也天子辟廱諸侯泮宮王制文其餘  
諸侯止有泮宮一學魯之所立非獨泮宮而已明堂位曰米廩有  
虞氏之庠也序夏后氏之序也齔宗殷學也頤宮周學也是魯



禮得立四代之學魯有四代之學此詩主頌其脩泮宮者先代之  
學尊魯使得立之示存古法而已其行禮之飲酒養老兵事之  
受成告克當於周世之學在泮宮也僖公之伐淮夷將行則在  
泮定謀既克則在泮獻馘作者主美其作泮宮而能服淮夷故  
特言其脩泮宮耳僖公志復古制未必不四代之學皆脩之也  
又解泮宮泮水正是一物而此詩或言宮或言水之意以菜生於  
水化出於宮言水則取其芹言宮則取其化故詩言采芹  
藻之菜則言泮水說行禮謀獻之事則云泮宮下章云既作泮宮  
淮夷攸服是言克淮夷者由宮內行化而服之故言宮也泮宮之  
名既定亦可單稱為泮此經四言在泮及集于泮林皆謂泮宮  
爲泮也采者取菜之名而化亦言采者俱是已往取之因采菜  
而同其文 箋芹水至形然 正義曰采菽云感佛檻泉言采  
其芹芹生於泉水是水菜也言水菜者解其就泮水之意藻茹  
亦水菜從此可知也魯人之樂泮水意在觀化非主采菜但水  
木因采取之并以采菜爲言故箋解其意言已思樂僖



之無泮宮之水復伯禽之法而往觀之采其芹也是其思  
樂者樂僖公所脩觀宮因采其菜其往不專爲菜又申傳  
辟離泮宮之義辟離者築土爲堤以壅水之外使圓如辟令  
四方來觀者均故謂之辟離也釋器云肉倍好謂之辟孫炎云  
肉身也好孔也身大而孔小然則辟體圓而內有孔此水亦圓  
而內有地是其形如辟也圓既中規其望水內則遠近之路等  
故四方來觀者均言均得所視也此箋言築土壅水四方來觀  
者均說水之外畔靈臺傳云水旋丘以節觀者說水之中央  
所據不同互相發見也言四方來觀者均則辟離之宮內有館  
舍外無牆院也後漢書稱光武中元二年初載建三離明帝  
卽位親行其禮天子始冠通天衣日月備法物之駕盛清道  
之儀坐明堂而朝羣臣登靈臺以望雲物袒割辟離之上尊  
養三老五更饗射禮畢帝正坐自講諸儒問難於前冠帶搢  
紳之人園橋門而觀聽者蓋億萬計是由外無牆院故得園  
門觀之也天子之宮形旣如辟則諸侯宮制當異矣而以泮



爲名則泮是其制故云泮之言半半水者蓋東西門以南通水  
北無也旣以蓋爲疑辭必疑南有水者以行禮當南面而觀者  
宜北面畜水本以節觀宜其先節南方故知南有水而北無也北  
無水者下天子耳亦當爲其限禁故云東西門以南通水明門北  
亦有溝塹但水不通耳諸侯樂用軒懸去其南面泮宮之水則去  
北面者樂爲人君而設貴在近人與其去之寧去遠者泮水自以節  
觀故留南方各從其宜不得同也天子諸侯之宮異制因形然言  
由形異制殊所以其名亦別也定本集注皆作形然俗本作殺字  
誤也此解辟廱泮宮之義皆以其形名之而王制注云辟明也廱  
和也所以明和天下泮之言班也所以班政教也以物有名生於形  
因名立義以此天子諸侯之宮實圓水半水耳不以圓半爲名而謂  
之辟泮故知辟泮之稱有義存焉故於禮注解其義與此相接  
成也 傳戾來至有聲 正義曰釋詁云戾來至也俱訓爲  
至是戾得爲來也止者至而止住故云至非訓止爲至也復解

二 在郊旂鸞在車之飾諸侯禮當有之今云三言觀者欲法



又章故美而觀之也此是魯人作詩而自稱其君為魯  
侯者以其魯君之美可為四方所則因其請王而作遂為外  
人之辭以示僖公之德非獨魯人所頌也 箋其音至德音  
正義曰以其馬是僖公之馬故知其音是僖公之音以文承馬  
下嫌是馬音故明之 思樂至羣醜 毛以為魯人言己思樂  
往泮宮之水我薄欲采其茆之菜也既采其菜又觀其化值  
魯侯來至在泮水之宮與羣臣飲酒謂召先生君子與之行  
飲酒之禮既飲此美酒而得其宜則天長與之以難老之福  
故能順彼仁義之長道以收斂此羣衆人民 鄭以為既飲  
此美酒又長賜其難老之人謂所養老人常有賙餼也又言  
僖公行飲酒之禮因以謀征伐之事乃欲從彼長遠之道路  
以治此羣為惡之人謂時淮夷叛逆魯謀伐之此章言其謀行  
故下章言其伐克也 傳茆鳧葵 正義曰陸機疏云茆與苢  
菜相似菜大如手赤圓有肥者著手中滑不得停莖大如匕  
柄菜可以生食又可粥滑美江南人謂之蓴菜或謂之水



葵諸陂澤水中皆有

箋在泮至者與

正義曰泮宮者行禮養

老之宮而云在泮飲酒明是以禮飲酒故知徵先生君子與之行  
飲酒之禮也鄉飲酒鄉射之禮皆以明日息司正而復行小飲酒  
之禮云徵唯所欲以告于先生君子可也鄉射注云先生鄉大夫  
致仕者君子有德不仕者鄉飲酒注云先生不以筋力爲禮於是  
可以來可者召唯所欲是飲酒之禮有召老之法下句言永錫難  
老明是召之與飲也王制云天子將出征受命於祖受成於學注云  
定兵謀也天子之禮如是則知諸侯亦然下章言淮夷攸服明當  
於是謀之故知衍飲酒之禮因以謀伐淮夷之事也難老者言其  
身力康彊難使之老故云謂最壽考者長賜終老者之身賜之  
不絕故言如王制所云八十月生罔存九十日有秩彼注以爲告存  
者每月致膳有秩者日有常膳然則八十者每月一致膳九十者  
日日常有膳所膳之物則無文蓋如漢世老人有名德者時詔郡  
國常以八月致羊酒之類也王制告存之文承七十不俟朝之下  
句明朝臣有德致仕者也庶人之老者則不能然直行復除以養



其家不從政注云引戶校年當行復除老人衆多非賢者不可  
皆養之也 傳屈收醜衆 正義曰屈者屈彼從己是收歛之  
義故爲收也醜衆釋詁文毛云收此羣衆則是不斥淮夷當謂順  
行長遠之道收斂魯國之民人也王肅云天長與之難老之福乃  
能順彼仁義之長道以斂此羣衆傳意或然 箋順從至之人  
正義曰順者隨從之義長者遙遠之言故順爲從長爲遠也屈治  
釋詁文彼屈作溷某氏引此詩是其音義同也下云旣作泮宮  
淮夷攸服則將伐淮夷於泮宮謀之明是飲酒因謀此則謀之  
事故以醜爲惡此則謀治之耳未是兵已行也下云淮夷攸服乃  
是伐而服之 穆穆至伊祜 正義曰言穆穆然美者是魯侯僖  
公能敬明其德又敬慎其舉動威儀內外皆善維爲下民之所法  
則也信有文矣信有武矣文則能脩泮宮武則能伐淮夷旣有  
文德又有武功其明道乃至於功烈美祖謂遵伯禽之法其道  
同於伯禽也以此化民民皆倣之魯國之民無有不爲孝者皆



同於伯禽也以此化民民皆效之魯國之民無有不爲孝者皆

庶幾行孝自求此維多福祿言能勉力行善則福祿自來歸之  
僖公行己有道化之深也 明明至獻囚 正義曰明明然有明德  
之魯侯甚能明其德也又說其明德之事旣作泮水之宮以行其德  
化謀伐淮夷而淮夷所以順服是其德之明也僖公旣伐淮夷有功  
而反矯矯然有威武如虎之臣使之在泮宮之內獻其截耳之馘善  
問獄如皋陶者使之在泮宮之內獻其所執之囚言折馘則有威武  
執囚則善問獄美其所伐有功而所任得人也 箋克能攸所 正義  
曰皆釋言文 傳囚拘 正義曰釋言文 箋馘所至其人 正義  
曰釋詁云馘獲也皇矣傳曰殺而獻其左耳曰馘故云馘所格者  
之左耳謂臨陣格殺之而取其耳也淑善釋詁文囚所虜獲者謂  
生執而係虜之則所謂執俘者也王制云天子將出征受成於學  
出征執有罪反釋奠於學以評馘告注云釋菜奠幣禮先師是將  
出則謀於學而後行反則禮先師以告克故僖公旣伐淮夷而反  
在泮宮也彼云以評馘告者即此獻馘是其事也所馘者是不  
服之人須武臣之力當殺其人而取其耳故使武臣如虎者馘之所



曰：若服罪之人察指之吏當受其辭而斷其罪，故使善聽獄如皋。陶者獻之執俘，截耳而還，言伐有功也。有武力者折馘，善問獄者執囚，言任得其人也。此章言淮夷攸服，即說獻囚急見所任得人，以明其服之狀。故下二章更說往伐之事。濟濟至獻功，毛以爲上言任得其人，此本往還之事，言濟濟然多威儀之多士，皆能廣其德。心謂心德寬弘，並無褊躁。又桓桓然有威武之容，其往征也，遠服彼東南淮夷之國。此多士之德，烝烝然而厚，皇皇然而美，不爲過誤，不有損傷於軍旅之間，更無忿競其迴還，也不有告於官司爭訟之事者。唯在泮宮之內，獻其戰功而已。美其軍旅齊整，又能克捷。鄭唯以狄彼東南三句爲異言，以威武往征，剔治彼東南之國，其往之時莫不相勸有進，進往往之心不謹，謹不揚聲美其樂戰之心，而在軍又整餘同傳。桓桓威武貌，正義曰：釋訓云桓桓威也，故爲威武貌。毛無破字之理，瞻仰傳以狄爲遠，則此狄亦爲遠也。王肅云：率其威武往征遠服東南，謂淮夷來服也。箋多士至淮夷，正義曰：上二言反而獻功，此



又本其初往此言濟濟多士還是獻捷之人故知多士謂虎臣及如  
臯陶之屬所謂伐而正其罪故以征爲伐征伐所以治罪故讀狄爲  
剔剔治毛髮故爲治也淮夷之國在魯之東南故知東南斥淮夷  
也 傳烝烝至揚傷 正義曰釋詁云烝烝猶進進也謂前  
之意故爲厚也皇皇美釋詁文揚與誤爲類故爲傷謂不過  
誤不損傷也王肅云言其人德厚美不過誤有傷者 箋烝  
烝至其功 正義曰釋詁云烝烝進也故烝烝猶進進也謂前  
進則皇爲往行故知皇當作往釋詁云往往皇皇美也俱訓  
爲美聲又相近故因而誤也鄭讀不吳爲不娛人自娛樂必  
謹謹爲聲故以娛爲謹也詘訟釋言文揚者高舉之義不誤  
爲不謹謹不揚爲不揚聲故云多士之伐淮矣皆勸之有進  
進往往之心不謹謹不大聲謂初反及在軍之時能如此也僖公  
還泮宮又無爭訟之事告治獄之官由在軍不競故無所告皆  
自獻其功而已 角弓至卒獲 毛以爲多士以威武而往伐  
正其望而即服故角弓其觥然弛而不張束矢其搜然火而



其兵車甚博大徒行御車之人皆苦

二

二古

服淮夷已克淮夷而淮夷甚化於善不復爲逆逆也此淮夷不逆是僖公之功故述而美之言僖公用能固執大道之故故淮夷卒皆服也鄭以爲既言服而獻功更陳克捷之勢言僖公之伐淮夷也以角爲弓其張則觥然而持弦甚急所束之矢其發則搜然而勁又且疾其戎車甚傳緻而牢固徒行之人又並無厭倦者從軍之初發至於既克淮夷其軍旅士卒甚善矣不有違逆軍法號令者此皆僖公之德故稱美之言此由僖公用堅固爾軍謀之故故淮夷盡得服也傳觥弛至衆意正義曰毛以

美僖公之克淮夷必美其以德不以力此當設言爲不戰之辭故以觥爲弛貌荀卿論兵云魏氏武卒衣三屬之甲操十二石之弩負矢五十个是一弩用五十矢矣荀則毛氏之師故從其言以五十矢爲束也大司寇云入束矢於朝注云古者一弓百矢其百个與則鄭意以百矢爲束此箋不易傳者百矢爲束亦無正文以尚書及左傳所言賜諸侯以弓矢者皆云彤弓一



亦無正文以尚書及左傳所言則許侯以弓矢者皆云彤弓一

彤矢百以一弓百矢故謂束矢當百个而在軍之禮重弓以備  
折壞或亦分百矢以為兩束故不易傳也毛以為搜與束矢共爰  
當言其束之多故搜為衆意傳以弓言解矢言搜其意言弓  
不張矢不用是僖公不至大戰而克服淮夷也又毛於猶字皆訓  
為道則下句猶亦為道王肅云言弓弛而不張矢衆而不用  
兵車甚博大徒行御車無厭其事者已克淮夷淮夷甚化於  
善不逆道也魯侯能固執其大道卒以得淮夷傳意或然上  
有囚馘則非全不戰傳意蓋以此章為深美之言 箋角弓  
至之類 正義曰以上言獻馘獻囚是戰而克之此章不宜復  
言弛弓束矢故云角弓解然則言持弦急謂弓張故弦急也搜  
為矢行之聲故束矢搜然言勁且疾也車之廣狹度量有常  
不得以甚博為言故博當作傳其車甚博緻言安穩而調利也  
用兵貴於順禮而云孔淑不逆則謂士卒所為不逆軍之正法  
故云士卒甚順軍法而善無有不善者於既克之下乃云孔  
淑不逆言其從始至終皆不逆也此美



行兵有逆者謂埋井刊木之類襄二十

二陽信會

楚子伐鄭當陳隧者井埋木刊服虔云埋塞刊削也箋式

用猶謀正義曰式用釋言文猶謀釋詁文翻彼至南金

正義曰翻然而飛者彼飛鵲惡聲之鳥今來集止於我泮水之  
林食我泮宮之桑黹歸我好善之美音惡聲之鳥食桑黹而  
變音喻不善之人感恩惠而從化憬然而遠行者是彼淮夷  
來就魯國獻其琛寶其所獻之物是大龜象齒又廣賂我以  
南方之金言君臣並皆得之是脩泮宮所致故以此結篇也傳  
憬遠至荆揚正義曰淮夷去魯既遙故以憬為遠行貌琛寶  
釋言文害人曰美寶曰琛來獻其琛摠言獻寶其龜象南金  
還是寶中之別以其物貴特舉而言其獻非唯此等也漢書  
食貨志云龜不盈尺不得為寶此言元龜龜之大者故云元龜  
尺二寸也賂者以財遺人之名故賂為遺也荆揚之州於諸州最  
處南偏又此二州出金今云南金故知南謂荆揚也禹貢徐州淮  
夷蠙珠泊魚則淮夷居在徐州化貝唯珠魚而已其土不出龜

象其國不屬荆揚而得有龜象南金獻於魯者禹貢所陳謂



夷蠻珠泊魚則淮夷居在徐州化貢唯珠魚而已其土不出龜

象其國不屬荆揚而得有龜象南金獻於魯者禹貢所陳謂常貢天子土地所出此則僖公伐而克之暫以賂魯其國先得此寶以其國寶爲獻非是淮夷之地出此物也 箋大猶至三品 正義曰大賂者賂之多大故云大猶廣也春秋襄二十五年晉帥諸侯伐齊齊人賂晉侯自六正五吏三十帥及處守者皆有賂是及羣臣故知廣賂者君及卿大夫也又申傳南荆揚之義故云荆揚之州貢金三品禹貢揚州厥貢惟金三品荊州云厥貢羽毛齒革惟金三品彼注云三品者銅三色也王肅以爲三品金銀銅鄭不然者以梁州云厥貢鏐鐵銀鏤爾雅釋器云黃金之美者謂之鏐白金謂之銀貢金銀者旣以鏐銀爲名則知金三品者其中不得有金銀也又檢禹貢之文厥貢鏐鐵鏐鈆而獨無銅故知金即銅也僖十八年左傳曰鄭伯始朝于楚楚子賜之金旣而悔之與之盟曰無以鑄兵故以鑄三鐘考工記云六分其金而錫居一謂之鍾鼎之齊是謂銅爲金也三色者蓋青白赤也



毛詩正義卷第三十八

計一万三千九百四十四字

